



大雅集序

客有賴良氏來謁予七松寮致其請曰昔山谷老人在
州歎曰安得一奇士有力者盡刻杜公東西川及夔川
詩使大雅之音復盈三巴之耳有楊生素者任之刻石
作堂因以大雅名之先生夔厓集雖已徧傳海內而兵
變後諸作人未識者有之請其詩付有力刻之亦使大
雅之音盈於三吳之耳不亦可乎余曰東南詩人隱而
未白者不少也吾詩不必傳請傳隱而未白者於是去
邇吳越間采諸詩於未傳者得凡若干人詩凡若干首
將梓以行來徵集名吁良亦奇士哉備其志而爲出力
以銀者則淞士夫謝履齋氏余因以山谷語名之曰大



雅集蓋良以待我而我以待諸公庶入是集者皆可以
續杜之後而或有歎焉者不入也良曰然書集為叙時
至正辛丑立秋日丙午鍊厓道人楊維禎書

大雅集叙

古者天子巡狩命大史陳詩以觀民風蓋將以探民之
休戚以知王政之得失此周人之所以不能已于采詩
之官也故觀民風而必采詩以陳者民之情因言以宣
猶物因風之動以有聲也則詩者志之所存情之所感
而言之所從以出者乎但上之化下也有淑慝之分則
下之報上也有美刺之別然發乎情止乎禮義樂而不
淫哀而不傷雖刺也主文而譎諫言之者無罪聞之者
足以戒此詩人忠厚之至也然則周人所以采之者不
以其出於情之真乎由是知古之人以情為詩而其言
莫不麗以則後之人則以詩為情而言不出於情者有

矣。况麗而有不則者哉。古之詩多出於民之心。後之詩多出於士之筆。雅頌之作。固能之。而風或不之。及蓋心匪鬱伊而寫其憂思者。非情之真也。惟忠心感發者。然後足以吟詠其情。情耳。故後世雖有采詩者。實難其人焉。然有慷慨以鼓其氣。磊落以驅其才。若杜少陵輩。則不能無風雅之作耳。若此者。雖微采詩之官。識者能采之矣。天台賴先生善御。以三十年之勞。不憚駕風濤。犯雨雪。冒炎暑。以采江南北詩人之詩。其采也。公矣。情深而不詭。則采之。風清而不雜。則采之事。信而不誕。則采之。義直而不回。則采之。體約而不蕪。則采之。詞麗而不淫。則采之。而未始有不關於世教者。吁。亦勤矣哉。非其

學博而守約。得詩人之真趣者。不能造斯域也。會稽楊鍊屋先生評而序之。名曰大雅集。而友人盧仲莊氏。手爲之鏤梓。既板行。學者莫不購之以爲載焉。他日有采詩之官者。出其必將采善卿之所采以進上矣。於是守序時。至正壬寅春。吳興錢勳在雲間之水南山北。寫

昭明文選初集至一千餘卷、後去取不能十之一、今所
存者三十卷耳、三十卷中、尚有可汰者、選之難精也、如
此良選詩至二千餘首、鍾匠先生所留者僅存三百、古
人以詩名世、或一聯一句不為少也、而有擅長雄作、則
大篇長什、又不厭其多也、故今所刊者、或一人一詩、或
一人數十詩、蓋不以多寡較也、天台賴良

大雅集目錄

卷之一 古體詩

李孝先二首 箕山採 題太乙蓮舟圖

項炯二首 公莫舞 吳宮怨

夏溥二首 鴻門歌 吳山謠

陸居仁二首 國馬足

陳樵七首 夜闌曲 七夕詞 瑤臺月

海人謠 出塞曲 雁來紅

長安有狹斜行

張天雨五首 玉笙謠 延陵公承慶堂詩

天池石壁 悼薛元卿 奔月卮歌

王逢二首 婦董行 銀瓶小姐歌

銜睿三首 思親行 寄遠 代遠人答

袁藏用一首 春雨歎

袁舉二首 乙巳寒食 舟過三江口

卷之二

孫華一首 池中白蓮

錢惟善二首 折楊柳 洛陽陌

鎔堪一首

鄭基二首 白苧詞

王逢二首 費夫人 趙氏二女解

鄧梓一首 錦雉圖歌 新街曲

徐士榮一首 新街曲

李復一首 予烈婦

周之瀚一首 送馬秋野

阮拱辰二首 白露引 雷擊蛇

張樞一首 將軍歌

釋繼善一首 大雪行

釋必才四首 即事二首 無題二首

沈存三首 懷友人俞伯貞

盧昇二首 啄木吟 新嫁娘

范立三首 遠遊篇 賦三色梅花 月夜調琴

瞿智一首 從軍行

徐孝基一首 見羣龍歌

卷之三

陸居仁一首 古意

李坦之三首 李太白酒樓歌 山中苦寒歌

悲戰士歌

李哲一首 韓之盧

孫華二首 贈宇文子貞 商人婦

楊基一首 黃雀生歌

董佐才二首 題范景綽風木圖 方寸鐵

董紀二首 短歌行 紀夢

張樞一首 生日自責

高啟二首 明妃曲 秋江曲

劉原俊二首 過歌風臺 安將軍歌

朱堂一首 聾婢辭

萬權二首 兄入甕 母提刀

釋仁淑一首 閔山月

沈禮一首 蕪小小墓

釋方行一首 席上寫興

董佐材一首 青藜杖

俞鎬一首 擬古

顧彘二首 塞上曲 刈管

金銓一首 春夢軒

袁凱一首 蚊

吳哲四首 題望雲圖 過裡洋河 雪夜有懷

寄兄子韶二首

王逢一首 題松筠軒

卷之四

張以寧二首 蛾眉亭

倪瓚二首 送李徵士 送徵君還揚州

錢璧一首 贈林上人

鄭基一首 擬梁簡文五七言體送鐵文彬

李莊二首 和友人過西郊

釋萬金四首 田家四季圖

釋觀通一首 壺中荷花

周砥一首 吳越兩山亭

王逢二首 題竹山圖 題東岡六有圖

蘇大年一首 題萱花圖

曹睿一首 贈顏守仁

賈問一首 述懷

葉杞一首 感喪

黃佐才一首 題篆塚詩卷

王逢二首 寄沈一中 題淵明把菊圖

卷之五 五言律

孫華二首 大雨 夜至嘉禾驛

張憲一首 次許廷佐見喜樓韻

黃璋一首 遣興

徐孝基一首 寧海道中早行

劉孺三首 送朱自明 吳江晚泊

秀州東郭

釋元本二首 東許廷佐 歸懷

程煜一首 過太湖

楊基一首 夏夜有懷

邵思文一首 簡僧清遠 湖江亭

梁天祐一首 遣懷

董章二首 挽邁里古思 次友人韻

許弼一首 涼雨

魯淵一首 題秋山圖

俞俊一首 歎息

沈欽一首 寄劉小齋

張樞一首 得拱辰弟詩次韻

釋元靜一首 重九

顧天祿一首 夜泊

釋靜慧一首 寄朱隱君

顧或一首 客夜

賈閻六首 和聞人樞四首 雪 春雨

吳哲二首 和鎰公輔 題居易齋卷

葉杞二首 幽懷 野晴

卷之六 七言律

馮子振一首 楊花

袁伯常二首 寄贈 寄子昂

張翥二首 寄周伯溫 送宋本 寄陳子華

項炯二首 金陵懷古二首

陳可杰一首 漢陽道中

吳克恭二首 送唐漢卿 端午雅集

張以寧一首 錢塘懷古 題釣臺

孫華四首 鳳山懷古四首

俞俊三首 渡江 楚州夜泊 次高原朴韵

黃佐才一首 過梧竹軒



董紀一首 題友人山居

張樞一首 送友人之戎幕

宋處仁二首 杏園 灞橋

盧昇一首 題登瀛橋

束宗庚一首 題淪雪軒

張璧二首 嘉禾 橫溪

朱芾一首 寄張子政

沈伯修一首 懷鈇崖先生

釋守仁一首 寄友歸上洋

柯九思二首 飛龍亭 送黃鍊師

周之瀚一首 石棋子

王澤一首 寒食

釋元本一首 寄許萬戶

釋靜慧一首 題天馬圖

沈鉉一首 趙松雪故宅

釋志瓊一首 深秀亭暮春述古

俞鎬一首 寄董良用

董佐才一首 細柳營

張守中一首 次堵無傲中書宣使過維揚

顧彧二首 無題二首

張昱一首 寄王梧溪

賈閻二首 感懷 題葉隱居雪篷

葉杞六首 揚文學先生辟宣政院掾

謝楊建德過舉 挽樊參政

挽楊員外 挽楊左丞 挽余忠宣

吳哲九首 讀吟嘯集 訪鐵崖 西江有感

小姑山 題米元暉畫卷 遣興

七夕漫成 寄王梧溪 和王拱辰

王嘏三首 送秦東海 送倪元鎮 送錢思復

杜洵一首 送顧謹中

陶宗儀二首 徵懷樓 送殊上人

胡謙一首 題雍真紀行詩後

卷之七

李孝先一首 鑑湖

丁復二首 寄黃宗師 送僧之浙東

張天雨二首 答鐵厓二首

錫若水一首 和盧廷舉韵

倪瓚三首 送賴善卿采詩 題雲山望松圖

次朱孟辨寄韵

顧瑛十首 唐宮詞次鐵厓無題韵十首

郊韶二首 和報復元秋興 子午谷圖

郭翼二首 送人遊武當山 懷鐵厓

成廷珪一首 送張思廉

顧逖二首 贈張玉筍 贈馬敬常

茅毅二首 次邱克莊韵 次成元璋韵

高志道三首 送俞子俊 次楊鐵史飲西湖亭韵

贈程彦明

陳堯道二首 松瓢齋為王好問賦 挽邁里古思

李復二首 題華亭監縣奉御酒省親卷後

贈張萬戶

鄭洪二首 白塔寺 浙江亭

馮以默二首 雲山樓 秋日登樓

張樞二首 秋興二首

錢元方二首 李紫寬 題一掬泉

吳毅一首 題君山吹笛圖

鄭采二首 姚子章之浙東 送果上人遊雁山

尤存一首 送李紫質

釋曇靈一首 題報國寺儀鳳軒

釋宗衍一首 春日西湖懷古 秋興

釋梵琦一首 送康上人

釋元本三首 富春歸隱圖 泊雙井亭有感

送趙金憲

釋智覺二首 送王尚書 送王景華道士

釋永彛一首 南屏雨中

李節二首 寄唐伯順 和高以敬

徐津二首 哀李江州 容懷

釋曇瑱二首 送王宗禮尚書 次慈元怨韻

陸炯一首 送融水縣尹

連傅化二首 讀王命論 鳳凰山望潮

張以文一首 秋懷

劉儼二首 南屏別墅圖 舟中

邱民三首 題柯敬仲竹 和顧仲瑛

送友人入杭

沈震一首 題春暉堂

鎰堧三首 送曹德輔 送徐性全 送李象賢

張經一首 次鐵厓韻

金思誠二首 送黃仲珍 寄虞彦高

印思文三首感興二首 白塔寺感懷

成廷珪一首贈隱者

袁舉一首秀峯懷古

袁藏用一首贈道士

釋至瑀一首次李菊莊韻

黃常二首題海雲樓 書懷寄陳參軍

余庸三首寄堵無傲 次陳伯昂見寄 病起

董成三首送俞子中 贈楊山居 送俞子俊

楊逵一首訪王麟趾不遇

許璞二首九日 次成元璋韻

董佐才三首讀杜詩有感 述懷 俞凝清小樓

林洵一首觀丁祠

董紀一首送石達卿

錢維善二首三味軒 題稼穡軒

蔣惠二首從軍漫興 城東小飲

龔律一首贈一齋進士

方克常二首題春亭思親卷 慶振翁八十

孫閔三首立春次陶玉樓韻 題罨畫春晚圖

送李治中

卷之八 七言絕句

唐珙二首過洞庭 墨蘭

孫華一首楓橋夜泊

倪瓚一首 蘇臺懷古

李節一首 次冷起勝韻

張以寧一首 題爛柯山

釋祖銘一首 題熨襖圖

陳雷一首 寄謝履齋

釋元本五首 秋夜懷崔府尹

次鐵厓韻四首

徐孝基一首 寄孤雲山人

程煜一首 題明皇並笛圖

鄭東一首 題山水小景

余闕二首 京師送友 題小景

孫華一首 贈日本僧

鍾虞三首 送梁子才二首 春雨雜興

題柯敬仲墨竹

馮以默一首 墨梅

金翼二首 題耿恭拜井像 明皇曲江春宴圖

束宗庚一首 偶題

董紀二首 絕句二

俞俊二首 次友見寄 秦州夜泊

張樞二首 題貴妃籠鸚鵡圖二

賈問二首 贈古鼎上人 春晚

張守忠一首 得家書

顧棧一首 讀漢高帝紀有感

鄭 昕三首 荷亭雅集值雨二首 題畫
趙 鎮三首 題淵明像 徐醉墨小景
題玉環調鸚鵡圖

大雅集目錄終

大雅集卷之一

天台賴 良善卿編
會稽楊維禎廉夫評

李孝先 字季和號五峯永嘉人

箕山操和鐵厓先生

箕山之陽兮其木樛二箕山之冢兮白雲幽二彼世之人兮孰能貽我以憂雖欲從我兮其路無由朝有人兮來飲我牛

善作琴操然後能作古樂府和予操者季季和為最其次夏大志也

鐵厓元偈曰箕之山兮可耕而樵叶箕之水分可

飲而遊。牽牛何來兮。飲我上流。欲以天下讓兮。我
以之逃。投叶世豈無堯兮。應堯之求。吾與堯友兮。不
與堯憂。

題太乙蓮舟圖

淵音燒擾也
又音腦義同

銀河跨西海。秋至天為白。一片玉芙蓉。洗出明月魄。太
乙真人挾兩龍。脫巾大笑眠其中。鳳麟洲西與天通。扶
桑乃在碧海東。手把綠雲有兩童。製賜二鳥開金籠。

此作又是李騎鯨也。孰謂此老錐鈍無爽氣耶。二
鳥指日月。

項燭 公莫舞

龍蟠錦帳金奕二。虎旗無際人馬立。肉垂垂血陵阜赤。
萬筓行酒晴虹濕。大蛇中斷狂魄滅。重瞳無光射寶玦。
雷憤風愁三尺鐵。河山未必如瓜裂。老荒梓語公莫舞。
頭上青天縣日月。

錦囊子有奇語。無此奇氣。

吳宮怨

繡楣洒黃粉。椒壁漲紅青。倚簷樹如鬼。深草蛇夜鳴。鬪
髑已無淚。古恨埋石局。

十字慘過牛鬼。鬪髑無泪。尤勝無語。

夏溥字大志。號虎怕道人。淳安人。

鴻門歌

大風揚兮赤雲屯。楚人望氣皆龍文。當時我甚笑亞夫。幸至彭城疽背死。誰云沐猴竟遭烹。汝乃盛怒喚孺子。嗟哉拔山之力不可得。仗義而西取天下者以三尺。君看項王重瞳舜重瞳。天命乃在隆準公。

吳山謠和鐵厓

中興過江笑諸人。二十三表老臣倡和國事可斬檜。馬上青衣今何在。采石未靖瓜洲驚。戰功今乃歸儒生。第一峰前誰立馬。夜箭射血來帳下。

二作不用二李。別有一種史斷。

原倡曰。中原四日一日東。東山草木無金風。良精重起大小岳。此是趙家第一峯。天柱裂。地維缺。

陸居仁

字宅之。號雲松。野鶴雲間人。

楚人弓。縣兩石。五十萬天陷強敵。絳人弓箭。三隻長歌。關成偉績。多箭不如少箭力。制敵若在弓矢間。鳴條牧野高於山。

史斷入詩。歲警多矣。

國馬足

國馬足。日行五十轡。如沃天馬足。日行千里更神速。國馬天閑飽芻粟。太行鹽車天馬哭。

短句而意無窮。自寓可悲。

陳樵

字居米。詩曰鹿皮子。東陽人。

夜闌曲

碧宇星回夜漫。靈燕烟暖重薰薦。翠冷香銷青桂枝。
水荷蓋光。遠帷花樓夜舞金歲。吳羹蜀酒精瓊糜。
夜闌半解龍綃衣。春朝曲渚聞鷓鴣。

七夕詞

內人拜月金鋪戶。鳳宿梧枝金葉下。叶露華入袂玉階
寒。織署錦工催祭杼。月下金鈿照骨明。同心絲繪紅生
纒。素瓜碧實上層樓。夜闌聽御下銀州。

瑤臺月

銀河西流烏接翼。回首人間化為碧。瑤臺月裡可避胡。
三郎錯落歸魚兒。霓裳月裡親偷得。又怪李暮偷壓笛。

海人謠

海南蠻奴髮垂耳。朝。未寶丹厓裡。夜光盈尺出飛魚。
栢葉。珠寒蕊。幽箔連錢生綠花。切玉蠻刀如切水。
九譯來朝萬里天。北風不動琅玕死。

出塞曲

為戍潼關李愬管賦

屬鏤夜啼光燭地。將軍一出攬槍死。行塵不動人歸市。
帶甲如雲自天至。取君甲兵為君洗。分明袖裏有銀河。
手中遺下泥一丸。不封函谷封太山。

雁來紅

東朝一書成百戰。上林一書旌節返。又傳驕子一函書。
不知擒解邊難。自從燕滅秦晉亡。是非直到空中雁。
蘇郎寒絕雁來紅。脚下胡姬殘米線。願燕在北秦在西。

雁去雁來無是非。

長安有狹斜行

長安出狹斜，方駕秦中客。云是牛家丞相，來自薄家宅。萬戶侯，朱門映椒壁。長秋車馬來，賓客御瑤席。金屋貯月邢，阿膠淚沾臆。燕二慵來粧，繁華照春色。轉蕙光風翻，趙帶徘徊月到班。姬林斑，姬輟芳翰。紈扇從風揚，明妃閱百草。玉環御雲裝，向來溫柔地。盡入白雲鄉。何以慰王孫，琵琶隨鸕鷀。何以奉燕二，罷舞歌慨慷。何以奉明妃，綠珠奏清商。嬈母挾無鹽，搔頭愛宮粧。

襲格不襲語。善學小李者。雁來紅狹邪行。匠意尤佳。

張天雨

字伯雨，號句曲外史，錢塘人。

玉笙謠 為鐵屋笙伶周奇賦

我有紫霞想，愛聞白玉笙。縣北竹無靈氣，昆北米此十二莖。鳳味啣明珠，凰翼排素翎。金華周郎妙，宮徵子晉仙人初教成。月下吹參差，羣雛亦和鳴。緱氏山頭白雲起，七月七日來相迎。長謝時人一揮手，飄下滿空鸞雀聲。

極似太白。

延陵公承慶堂詩

大江蒼茫兀龍虎，輔元之家百神頌。望拜受釐若稽古，太清真人閱衆甫。新宮潔坐導天語，紛雲郁霞錯承宇。

虛皇穆然陽衛武。左懸右欵降幹羽。縣鐘鏜々迅擊鼓。
赤金祭服頽朱戶。雙珠明月帶寶璐。挾以流黃玉欄具。
既竣大禮私事舉。吉日宗族奉爵俎。青紫曳地簪綬組。
魏張代創新捧土。饒國開觀治宿莽。報君親師物咸覩。
撫已一念或未傳。面壁考書立範府。寒氷層陰發春煦。
日幽若明沐仁雨。道德大非方仙五。月佩六印非適取。
持旌召趣迹旁午。下土滓溘寧久處。天關會規足蹈矩。
願天願地多稔黍。卑意歷年奉明主。小史作詩誰敢侮。
吁嗟厚德蕃之祖。

不蹈黃庭之句。意自森滿。

天池石壁為鐵崖賦 倪瓚畫

嘗讀枕中記。華山閔中吳。神泉發其顛。青壁繚其隅。春
風四山來。羣綠互紛扶。羽觴曲折行。浮花與之俱。米珠
拳薜荔。洗玉弄芙蓉。聲叟頗好名。石窪作魚湖。鴻乙志
卮堂。桃烟遂成圖。而此滌煩機。閱世如擣蒲。發興雲林
子。盟手吾與摹。居然縮地法。挈入壺公壺。

悼薛玄卿

玄卿難再得。本是餐霞人。高懷獨超物。洞鑿亦絕倫。君
自海東我吳下。早晚聯翩待金馬。御榻賜書凡一束。仙
苑偷桃動盈把。紫虛元君之玉訣。青城先生教我者。感
君多道氣。探懷為君寫。學士承旨平原公。許我與君揚
許同。一時標名兩外史。羽衣白茅立下風。我還句曲世

餘載。君乘輜軒。歷烟海。歸錦橋。西結草樓。下被袂長。相待。風煙山水。共追尋。福臨洞口。話離心。年深書字化。為碧。白者蒼茫。成古今。聖井山崩。數千尺。君從羣龍去。無迹。困頓。鹽車。條嶺頭。此日思君。復何益。

奔月卮歌答鍊崖

覽社明珠。奔入月。蛻殼。正是風蟬。潔漁網。出之不敢視。滌盡。舍花光。不滅。文昌四星。吞在腹。一一金。大如粟。蜃物。還來作飲器。日夜雄。繞茅屋。一扇核桃。寬有餘。半葉蕉心。卷未舒。飲非其人。躍如水。怪兩盲。風生座隅。置之天上。白玉盤。斗柄挹酒。長闌干。李白跳下。鯨魚背。持勸吾飲。相交歡。幽宮馮夷。為泣。酌盡海水。百怪出。

還我平生老蚌胎。許君醉卧鮫人室。

王逢字原吉。號蓆帽山人。江陰人。

婦董行

婦董。滕人。錙。進妻也。進與兄順。並以勇稱。金季山東亂。元兵駐嶧山。單騎覘之中流。矢死。順徙家淮南。舉室溺死。淮水董為呂安撫裨將。所獲。

北軍南渡。和議時。兩起對立。龍鸞旗。星長錯亂。風雲氣。乾坤造就。冰雪姿。渾家性命。葵魚腹。一舸涕泪。隨鴟夷。長眠自足。為義鬼。死後。只望全孤兒。一在腹中。兵在目。憶夫。心頭臂消。向岱宗。誰鑿玉牒。汴州衆撼。黃金屋。大尉。過歸明主死。安撫。猶在寡妻宿。羞看人面。問消息。

詩言存孤事
題未備及疑
有闕

目一作月非

強為歡笑寬羈束。伯順見義勇着鞭。銳士裹足鋒爭先。
道旁努仗荆棘底。掌上珠還江海邊。將門有後傳世二。
墓祭無所從年二。中原山河想如故。目斷一點滕州煙。

銀瓶小姐歌

宋鄂王之女。聞鄂王被收。負銀瓶投井死。

碧梧月落烏號霜。寒泉幽凝金井林。綺疏光流大星白。
夢驚萬里長城亡。女郎報父收囹圄。匍匐將身贖無所。
官家聖明如漢主。妾心媿死緹縈女。并臨交衢下通海。
海枯衢遷井不改。銀瓶同沈意有在。萬歲千秋露神采。
魂兮歸來風脩然。趙陵無樹客啼鴉。阿爹墓木西湖邊。

留睿

字若愚。括蒼人。

思親行寄弟子通

今年八月來作客。出門倏忽已幾百。自從二十走湖海。
零落天涯幾岑寂。幾岑寂。重悲嘆。親在高堂望子還。子
在長途衣亦單。准擬明年作官食。君祿歸來共汝舞袖。
紅編爛。天日之山去。山不盈尺。使我登之徘徊望鄉國。
吁嗟何不生羽翼。吁嗟何不生羽翼。

寄遠

征夫往幽燕。賤妾住吳越。參商二十載。綠鬢生華髮。年
年望飛鴻。目斷愁不歇。秋盡冬復春。葉落花更發。恨願
妾身不如天上月。月行幾萬里。東出復西沒。又東出夜
光。夜光頻照妾。容漫比花。君情遽如葉。念欲走從君。

去山當作去
天

河廣詎可涉，燕趙多美人。顏色皎如雪，所樂在新知。誰復念離別，雪性本飄蕩。雲質易虧缺，何如賤妾心。不轉堅如鐵，君看望夫石。千載名不滅。

代遠人答

憶昔發江南，與君生別離。臨當上馬時，屬君兩男兒。兒兒能歌詩，功名豈可必。三載以為期，君時聞我言。感頰雙蛾眉，一去數千里。各在天一涯，塞北望江南。憶君君不知，目送南征鴻。遠寄長相思，相思心不絕。綿綿如藕絲，蹉跎二十秋。日月互推移，三載約會面。斯言遂成欺，前年離燕山。遠行到月氏，途中天雨雪。寒風裂我肌，六月陰山道。猶復衣羊皮，馬上多胡姬。顏色

如臙脂，為君不忍覩。君何自狐疑，雕鞍駕朱輪。行當似蘇秦，千金會舊友。椎牛會衆親，莫學會稽婦。容易輕買臣。

袁臧用 字顯仁 古汴人

春雨歎

天陰多晝雨，輕薄陌頭花。無數成塵土，明朝蕭瑟陰。風寒祇恐摧折青琅玕，山中媿人看相倚。泪濕翠袖時難乾。

袁舉 字仲微 號浮游生 江陰人

乙巳寒食

香風吹面東風來，櫻桃花發柳眼開。鸞簫聲歇幽蘭苑。

十二樓前青雀叫。王母騎龍愁莫雲。碧桃過眼三千春。
北山佳城久無主。寒食新推泪如雨。自驚髮薄不勝梳。
心事披搖為誰語。

舟過三江口

吳淞合流三百里。一幅蒲帆掛春水。繞船黃鳥啼盤迴。
如在巴渝裏。沙上游龍滴血紅。風吹老魚浪花起。凝雲
不流神媪哭。萬古胥魂招不復。客浩歌。誰相續。淒遲零
落漸離筑。思家何處問津迷。鷓鴣聲裏垂楊綠。

大雅集卷之一

大雅集卷之二

孫華字元實華亭人

池中白蓮

蕊宮夜涼張暑宴。仙妹散花水晶殿。霞綃中單雲錦緣。
黃金為房玉為鈿。翠旌導前寶蓋殿。霓裳中序按未遍。
一人素衣持羽扇。頎然中立白玉弁。羣妹被酒酡發面。
冠佩頽然醉相盼。彼我弁者色不變。以口承露不肯嚙。
終然貞白難自薦。獨向西風抱清怨。

錢惟善字思復號曲江居士錢塘人

折楊柳

何處好楊柳。枝條送遠行。花飛渡江水。客醉踏歌聲。秋

株疑作枝

色淒榆塞春陰接鳳城一株不敢折為近亞夫營

洛陽陌

驅車洛陽陌周道何逶遲玉帛走侯甸金湯固城池潘
令好桃李阮生多路岐駝卧荆棘索靖獨先知

留堪字子與嘉禾人

千金買明珠百寶裝帶鉤寶帶同心明珠垂兩頭美
人結新歡託體相綢繆再拜稱主壽持以奉千秋

鄭基字本初三山人

白苧詞送謝久

征鴻至征旆舉花發芙蓉滿江渚吳姬約雲歌白苧凝

朝雲向君舞牽絲鳴玉張宴遲稱觴聽曲心自怡君之
外會有期

王逢見前

費夫人

夫人姓費氏諱元琇江陰州知事朱道存妻也

青蘋花白蒲水黃雲日黯慘風悲涼停纜西向三酬觴
旂旌葆幢來渺茫若有人兮凜如霜星流電馳惟可望
微言宿習大洞章功成拔宅居帝鄉鵲河蟾窟肆翱翔
爰援北斗挹酒漿帝曰欽哉撫太康下馬濁世扶綱常
進規退矩禮自防荆釵布裙即孟光尊姑養之植德堂
朱氏堂階珠樹聯瑤芳明璫蒼珮森琳琅撞鐘考鼓樂

未央楚氣遮天耀天狼飄然歸寧父母旁正坐漆屋憂
葵傷官兵寇我如劍鏃旻天倚杆海變桑身有濺血無
迴腸稽首再拜泪如瀉輾然直上驂鸞凰

趙氏二女辭

女山陰游鯉山人至正十二年冬寇至懼辱投溪水
中死

游鯉山高孱顏游鯉溪清泗灣中有我三青髻鬟望如
春雲不可攀壬辰仲冬寇蠶起乳臭將軍先披靡民人
顛連社稷圯我固當為貞白鬼後來小妹復被驅亦葬
魚腹全其軀山高水清幾千年虹月夜貫摩尼珠夜深
鮫宮屏機杼風吹草寒羈體語何由生長江沱間及見

王睢鼓雙翼願回堯天行化日女子有家男有室地下
甘心燈似漆

鄧梓字文若江西人

錦雉圖歌

錦衣繡翼何揚三棠梨花開春雨香雌雄並立久未翔
只尺或是山之梁林深枳棘如人長摩娑竹枝思鳳凰
徐士榮字仁則號五雲先生章安人

新街曲

東街南曲聲婉揚西街北曲聲激昂佳人唱不下樓
樓下白馬青絲韁昨日開筵擊鼉鼓今夜合席調絲簧
樂聲似曲三聲雜人意豈如物意長只恐樓上人春光

不長好。寧知馬上郎。金璧非重寶。向來恩愛江水深。一
旦殘花與春艸。

李復 字道原 號菊莊 老人 寧海人

弔烈婦

烈婦身可戮。烈婦之身不可辱。十年夫壻從遠征。夜
青燈伴幽獨。豈期淪落兵戈林。長鎗利劍森如竹。將軍
手刃秋霜肅。烈婦怒視不轉目。分甘一死無生還。烈火
何曾燬真玉。妾心匪石不可轉。妾心匪席不可卷。捐軀
念欲赴江流。回首不堪江水遠。誓將貞白歸黃泉。焉肯
偷生求苟免。若將顏色與他人。為誰終身懷媿靦。貞魂
願逐劍光飛。妾今視死猶如歸。人生天地誰無死。一死

日月爭光輝。我哀烈婦歌此曲。萬古清聲動澆俗。烈婦
絕勝烈丈夫。丈夫臨難猶畏縮。懼死多忘食。君祿迴想
烈婦徒慙慙。

周之翰 字仲載 雲間人

送馬秋野千戶出征淮西

霜原晶。秋草衰。秋風烈。吹大旗。酒酣仰天數過雁。
落日滿地青山低。時難不作昇平夢。半夜困龍匣中動。
此行乘雪蔡州平。書生擬獻平淮頌。

阮拱辰 字

天台人

白露引 并序

至正己亥夏大旱。至八月六日。天氣鬱蒸。雲勃怒起。

众謂是日為白露節。是日雨。苗秀嘉實。言已。震雷雨降。民相顧咨嗟。若不能生者。噫。世之顛連困苦。冀以求活于人者。安知其非白露雨也。作白露篇以頌雨師。

白露雨。民無辜。小民憂旱。籲且呼。三月望。汝眼欲枯。汝來今日何為乎。不為我祥。復為我殃。害我田稼。甚於螟蝗。嗟爾雨師兮。罪不可量。上天憫下兮。仁德孔彰。願挾汝兮。訴帝旁。梟汝首。剗汝腸。祈豐年。若雨暘。坐見赤子歌樂康。嗟爾雨師。雖死兮。其誰汝傷。

雷擊蛇

至正辛丑夏。予自瓢湖南。放舟絕湖口而北。時雲日

晝晦。天西北有龍蛇。蜿蜒下垂。雷怒若擊物。狀舟人曰。是龍下取水。雨且暴至。乃泊舟別渚。見有蛇當旁。近地。長可十尺許。俯首不敢動。舟人迫而視之。蛇且死矣。予竊意是蛇從草莽中間出。搖尾肆毒。使不過真龍在天。則為害有不可勝言者。雷之擊蛇。其有以哉。因喜而賦。

維龍其神。為雨為雲。以利我耕耘。以育我下民。彼蛇非仁。雷其震。彼蟲之毒。維蛇與蝮。以齧我草木。以傾我陵谷。維龍勿伏。蛇勿育。

張樞字夢辰。陳晉人。

將軍歌

將軍走馬沙草場，
狩龍蹠躩鷹飛揚。
狡兔之窟四顧無，
截置量如雲氣如雨。
滿眼禍幾寧脫此，
將軍一日歡且直。
百兔死君不見，
李斯非相才上蔡。
東門遊獵子。

釋繼善 字絕 會稽人

大雪行

冬十二月歲康平，
江南雪深一尺許。
衾稠斗粟何處尋，
凍死飢民不開戶。
妻啼兒號面西東，
天高聽卑欲誰訴。
去年一極旱火赤，
今年一極大雨澍。
官倉私廩空虛列，
蒼生何以守環堵。
西北風塵未盡消，
道路豺狼又含怒。
明年宿麥縱連雲，
揮涕無從叩箕禹。
憑誰寄與東諸侯，
恤民有道無輕舉。
君不見當時桑大夫，
慘刑祇承身滅。

與疑

誅又不見只今曹黃鬚，
擢髮數罪憐渠愚。

釋必才 字大用 天台人

即事二首

負郭有田多不種，
種熟軍收要民送。
明年誰復事犁鋤，
卒歲渾家受飢凍。
忍飢受凍可奈何，
直須檢刮焚其窠。
去學短衣帶刀箭，
倒刮他家養民賤。
泗水倉廩飢雀鼠，
官有舟車難運取。
蠅屯蟻聚急要糧，
巨室大寺遭鞭楚。
捧土縣知難塞河，
檢家掠路傷民多。
分兵兼程走其下，
就倉食粟其如何。

無題

飢虎狂咆奔城市，
急走閉門驚未已。
有人直欲挺其矛，

斃之視若刑犬耳。如此英雄世豈無。位沈下僚困屠沽。諸方噬人足狼虎。袖手待殪將安圖。

西家酒美門犬惡。味薄遣沽多在東。積錢難用番愁索。憑誰斃却西家犬。兩壚吹香過客便。不愁東遭風雨乾。到門自挈空壺轉。

沈存字肯堂雲間人

懷友人俞伯貞

去年秋風捲黃埃。美人躍馬沙邊來。今年秋雨白日。美人遠上黃金臺。黃金臺下燕山道。漠漠寒雲接衰草。雁飛不斷青天長。征人路旁老美人。美人胡不歸。清霜凋盡珊瑚枝。臨風三嘆思欲絕。悲莫悲兮生別離。

盧昇

字廷舉高安人

啄木吟

啄木啄木穿林救。汝不啄肉又不啄粟。獨。蟲蟲便爾欲。樹枯不復榮。蟲死還再生。汝能食蟲不再生。我奏天子褒汝繡衣使者之嘉名。免使蟲木為薪蒸。

新嫁娘

新婦調羹湯。小姑繡衣裳。新婦不停手。小姑不下牀。新婦語小姑。爾亦不自量。爾年二八餘。寧久阿母旁。請再繡針底。文采雙鴛鴦。春風一朝起。持贈畫蛾郎。爾姑別我去。如我事姑璋。

范立字叔中錢塘人

遠遊篇

仙人手把金芙蓉。邀我上陟蓮花峯。兩眼注入滄溟東。
浮雲遮新扶桑宮。白日西飛恐成晚。架天五色橫長虹。
鳳凰儀羽備珍采。欲集不集無梧桐。冥之杳之脫羅網。
亦有數點南飛鴻。怒鯨崔嵬鼓鱗鬣。浪中瑣屑多沙蟲。
從今喚起人中龍。披虎豹。謁九重。舞干羽。息武功。泰和
世上皆春風。是時勳名留鼎鐘。左招黃綺右赤松。長歌
歸去來山中。

賦三色梅花

姑射肌膚白如雪。夜出瑤臺看明月。羅浮仙人醉臉丹。
笑跨未鸞下銀闕。相逢同過金母家。金母小玉名華。

一色羅衫染密褐。仍帶絲囊盛紫霞。珊瑚鉤起真珠箔。
玉笛吹殘風色惡。羣仙俱怨老容華。斑斑泪向秋綃落。

月夜調琴

橫琴獨坐花間月。天地冰壺夜清澈。鳳凰棲老碧琅玕。
踏碎瓊瑤六花雪。斯須化作蒼龍吟。風生太岳秋陰。
有美人兮隔雲漢。調高奈我相思心。

瞿智字惠夫崑山人

從軍行

年少去從軍。妻兒生死分。弓開孤月影。劍動七星文。解
識風雲氣。能穿虎豹羣。不將身許國。何以樹功勳。
破敵三營外。城頭日欲低。舉烽連磧遠。戰氣接雲齊。旗

幟驚鳥起鏡箭雜馬嘶只愁千里月少婦正悲啼

徐基字立本章安人

見羣龍歌

玄雲崔嵬半空黑大龍宛延小龍直天瓢倒瀉銀河縣
海氣空濛海波立須臾復有三四龍威稜氣勢如羣雄
雷公擊鼓玉女笈飛埋烈皎飄長風維時一陰擬下土
六龍在天起坤戶陽剛奮迅無停機久旱終當沛甘雨
我方扁舟湖上行見之頓覺雙眼明茫茫真宰不可詰
乃知神物能通靈君不見葉公好龍妙圖畫一朝忽有
真龍下可憐辟易走且驚不識真龍足悲叱

大雅集卷之二

大雅集卷之三

陸居仁

古意

米蓮多芳草種豆雜艾蒿馬齒似蕙根魚腸渾鉛刀舉
世方好筭錦瑟誰將操已矣屠龍技終身徒自勞
王孫玉抵鵲公子金抵蛙夜光投暗室綠耳困鹽車燕
石錦十襲楚璞刑再加哲哉待價翁懷寶無嘆嗟

李坦之

李太白酒樓歌

溧陽酒樓春水涯白也繫馬樓東家千金醉盡不復惜
猶吹玉笛引吳娃日斜樓外春風起春愁滿眼楊花裏

高歌一曲下樓去，徧傳江南數千里。
錦袍綠水迷踪跡，落日空梁照顏色。
江頭晝日不見人，樓上幾年無此客。
倚闌仰看西飛雲，如何不飲憂其身。
只今寂寞千秋後，誰酌采石江邊墳。

山中苦寒歌

山中苦寒無可居，門前積雪三尺餘。
陰厓一夜石蛇骨，溜湍萬瓦冰垂鬚。
道人卧凍山之麓，莫藝松明煮溪綠。
山陰孤棹期不來，夢入幽岩聞折竹。
征西將軍持短兵，馳馬夜渡黃河水。
關東諸將面欲裂，嚴光獨釣桐江雪。

悲戰士歌

吾聞上古無為天下治，兵車首自軒轅氏。
湯武爭王起

征伐，秦併山東乃稱帝，亂世英雄力排主。
四海生靈血塗地，中原落木風颼颼。
一度興亡一度秋，乾坤百戰日月墨。
大華不動黃河流，玉關旌旗拂太白。
王師萬里開絕域，春風草綠師未還。
鏃箭飛書聞消息，功名不願^萬侯富貴。
不願萬千金裘，但願朝廷有道烽燧息。
結屋深山看青壁。

李哲 字公毅 號耕雲 前進士

韓之盧

韓之盧，猛絕世所無，利口疾足逢時需。
秦以糠覈飼以餘，感激意氣心力輸。
平原八月秋草枯，呼嗷詭遇當前駟。
東郭之斃衣褐徒，食邑卅地承其初。
尔祖于戍封時

俱不侵不暴穴以居，尔窮其啼禽焉。俾盡室繫繫恣所
屠，遲心得為名。欲沽北山有楔榆，南山有於菟。大為民
害，尔勿除。聞其腥臊，安尾連。觸邪既無獬豸德，仁厚又
不慕鴟鵂。虞畏強陵弱，心何如。上天好生尔，好殺逆天周。
道天必誅，一朝惡積殘。其軀形骸，狼籍磔路隅。旁人不
恤掩鼻趨，有孀其雌哭。呱呱百獸率舞，蹙蹙呼。

孫革

字文子，貞立驛。為松江諸色田糧事，古詩贈之。

朝行谷水東，暮行谷水西。谷水日日流，驛舟日日來。
驛舟日日來不已，波浪日日起。朝行谷水西，暮行谷水東。
旁人指驛舟，舟中有春風。春風吹谷水，照見桃與李。

商人婦

妾年將及笄，嫁與東家兒。東家兒，販江西，夫婦五年三
別離。江西娼家花滿溪，不知今年歸不歸。春來還為作
春衣，滿院楊花隻燕飛。

楊基 字孟載 蜀人

黃鶴生歌贈王錄事叔明

君不聞眉山道士徐左卿，化為黃鶴朝太清。還君金僕
姑，留得千載名。又不聞穹窿小仙徐子貞，翩翩自稱黃
鶴生。鍊形蓬萊山，鳳臆紫燕膺。千有六百年，飛上白玉
京。白玉京，錦具闕，十二樓，五城娟。娟為青娥，吹笙杳相
迎。黃鶴生，骨相奇，金衣玄霜裊。纖指而洪醪，不飲華池

棗不啄青田芝。恥彼五色鳥。覽德輝下之。浮丘不能招。
八公不敢騎。飄然從西來。不使上帝知。帝遣紫虛元君
魏夫人。夜乘白鶴來。相追琅霄頃刻。九萬里追之不及。
鸞聲悲。黃鶴生。請稍番。爾爲黃鶴舞。我爲黃鶴謳。使須
吹玉簫。登爾黃鶴樓。樓高幾百尺。見三島十洲。瓊珠金
光草。鏤網珊瑚鈎。今已槌碎瓦礫三千秋。黃鶴生誰與儔。
毋乘腰纏人。扶搖上揚州。揚州瓊花已枯死。仙人不復
來。遨遊黃鶴生。舐尔口。毋啣紫泥書。寄與西王母。王母
見尔笑。起作小垂手。黃鶴生。來尔聽。崑崙十二峯。朶朶
芙蓉青。上有翠羽箭。金鏃孔翠翎。爲取之來。射此天狼
星。坐令談笑間。四海煙塵清。尔亦策尔勳。我爲尔勒銘。

更呼薛少保。圖尔雲臺形。黃鶴不肯顧。長鳴掉頭去。路
逢鏤龍君。疊疊道其故。龍君勸不止。竟觸龍君怒。手挽
黃鶴衣。醉叱黃鶴住。黃鶴不敢去。飛繞三花樹。夜深鏤
龍醉不醒。黃鶴高飛不知處。

董佐才

題考功掾金華范景淳風木圖

金華范氏忠孝門。天道福善生賢孫。苦云父母壽不永。
三復伊蒿如事存。結廬墓門秋復春。悲風拱木偏愁人。
弱枝凌空根入土。根猶父母枝猶身。木雖欲靜風不止。
子雖欲養親不俟。由來大孝慕終身。聖稱虞舜賢曾子。
去年辟試銓曹吏。迴首鄉閭二千里。畫得墓風木圖。比

作座銘縣旅卽風吹宛似聲號呼。本身未著涕泪枯。目之所至思所起。百歲一日心無殊。召公棠武侯栢惠澤。在人人尚惜。晚節移忠顯令名。報取劬勞恩罔極。

方寸鏤為盧仲章賦

方寸鏤百鍊剛。吹毛劍峯秋水光。鏘勒沙擬梧竹房。倒薤文。連環鈕。通侯纍。縣肘後。伏龜趺。蟠螭首。頌德紀。功垂不朽。鏤名已著霜滿顛。復得鏤業傳二雛。勿饒元祐黨。勿刻諍。知符何如。徃補石經缺。萬古六書存楷模。天下英堯知所趨。伊誰之力丹丘盧。

董紀字良史

短歌行

山鳥日日喚提壺。勸君酒盡更須沽。千金五花不足惜。莫計囊中錢有無。人生百歲幾時好。大是愁多歡樂少。朝見開花莫落花。昨日朱顏今日老。為君起舞為君歌。當年不樂奈何老何。

紀夢

夢中挾飛仙。與我肩相齊。手持綠玉杖。腳踏青雲梯。彈指天門開。天家難久稽。培塿視三山。九州一丸泥。蓬萊自清淺。海水忽流西。金雞半夜出。又向扶桑啼。

張樞字夢長

生日自責

西有濯錦江。東有自滾湯。南有樹。酒。北有地種羊。我

生四維中，曾無一線長。仁獸乃騶虞，瑞鳥為鳳凰。帝江解音律，大鳥識興亡。老我嗜書史，空文章。聖德不煖席，賢知亦賣漿。酥牛百里奚，証金同舍郎。我何如一隅，跬走費籌量。緹榮小女子，有策陳未央。姬滿甫髫鬢，對言如珪璋。退耕力不任，進昇心未遑。我髮日種種，我生日茫茫。頽然六十翁，宇宙鬚眉蒼。一子峭孤立，力穡不救荒。三弟各奮飛，食祿天一方。今年耳重聽，兩眼無重光。長笑却秦兵，大哭救楚王。少不同鸚鵡，老無事鷹揚。今日屆初度，妻子具壺觴。坐我方惻然，置身桃李旁。肴核雜前陳，旨酒無願嘗。聽我心中辭，援琴彈慨慷。父女生我時，艱險且徬徨。三日不蓐食，俾整衣裳。皇天

與后土，覆載德汪洋。展墓渺何許，望望白雲鄉。惟有罔極恩，九死不足償。妻兒悉我意，嗒然摧肝腸。請從事斯語，沒身不可忘。

高啟 字季迪 平江人

明妃曲

都門塵拂春風面，臨別看花泪如霰。君王惆悵惜蛾眉，不是前時畫中見。白髮呼韓嘆漢恩，寧胡漫號關支尊。虺裘肉食本異俗，不如但嫁巫山村。黃沙漠漠無城闕，指冷鴟茲夜彈歇。相隨萬里到穹廬，只有長門舊時月。妾語還憑歸使傳，妾沒身虜不須憐。願君勿_殺毛延壽，番畫商岩夢裏賢。

秋江曲送願倅之江北

秋江月滿秋潮大，江上行人待潮過。別離休說渡江難，
平日順風船穩坐。楚鄉荒蕪，葭葦平。使君來時，雄雌鳴。
子弟從軍，隔江去。幾家猶住，夕陽城。水田雖荒，餽常足。
芡米夜舂三十斛，誰道繁華不及前。戶無征稅官無獄。
渡江渡江，君莫番。江北樂似江南秋。

劉原俊 字用章 汝儀人

過歌風臺

六國無人祖龍死，布衣提劍山東起。八年置酒未央宮，
千載猶思復田里。風飛雷厲來咸陽，錦衣其如歸故鄉。
登臺作歌醉眼白，俛視四海諸侯王。寂寞河邊一丘土。

烟樹蒼茫接齊魯，行人何必重傷心。世事回頭今亦古。

安將軍歌

安將軍，紫髯鐵面多戰勳。猛氣散作西山雲，前年紅巾
入城府，赤子滿城誰父母。將軍血戰城東門，五百健兒齊
奮勇，更有大郎猛于虎。身屬橐鞬寶力舞，打馬奪槁入
賊塢。殺賊盡作河邊土。將軍父子真有功，今日渾如筆
畫空。將軍功，豈不好，弁山入雲青不了。

朱堂 字音堂

聾婢辭

山翁有老婢，凶歲家窮幾。十年質之歸，用以司農炊。醜
惡固不論，病疇殊非宜。指揮失東西，百喚不一知。主母

大叫奴焉用痴婢為。回頭謝母翁，聽婢前致辭。婢也病不聽婦也，誠非癡世情。惡察察偏聽生，姦欺却生入幕賓。以聽王允之紛紛，牆壁間屬耳千人私。殿床驚螳聞渡水，笈狐疑作勞。莫夜鳴，鞋續左右規。凡此非婢病，婢病良可醫。奔趨及語言，所恨見事遲。口耳且順從，手足可運持。幸無急迫驅，假以寬緩期。猶堪備汛掃，或可代鞭笞。况在蒙莊書，亦聞老聃師。五音令耳聾，六鑿使性移。不痴亦不聾，寂室能無疵。有耳亦足喜，無耳亦足悲。此病何足惜，此理端可推。翁母聞婢言，失笑幾解頤。勿輕聾婢痴，更謂聾婢奇。明年社日來，酒為爾治。

萬權

字仲衡

兄入窰

來俊臣與周興對食，問囚不服當何如。興曰：宜燬炭熾窰，令居其中，無不服。俊臣出內狀曰：請兄入窰。炭山高，赤如血。炙天天欲然，燎地地欲裂。火鴉亂飛，鏗熟。請君投箸坐窰中，髀骨焦枯，自為尊廳。奚捕狸鼠，技竭。蛛絲羅螫，蛛先滅。窰中人，嶺南別。

母提刀

僕因懷恩謀叛，不朝歸白其母。母提刀欲殺而止之。母提刀泣且教：臣當死忠，子當死孝。天王待汝恩不薄，食邑太寧，頌紫誥，兩虎爭，百獸嘯。我欲為國除殘醜，剗尔心，謝三軍，斷尔頭。告七廟，嗚呼！賊子何煩老吾老。

釋仁淑 字象原

關山月

白楊風蕭蕭，胡笳樓上發。壯士不知還，羞對關山月。去年天山歸，皎皎照白骨。今年交河戍，明年凋華髮。交河水東流，征戰何時歇。斗酒皆楚歌，歌罷泪成血。

沈禮 字元禮

題蘇小小墓

歌聲引回波，舞衣散秋影。斷夢別青樓，千秋香骨冷。青鏡銅破雙飛鸞，亂鳥弔月啼勾欄。風吹碧火火不滅，山妖哭入狐狸穴。西陵墓下錢塘潮，潮來潮去暮復朝。墓前楊柳不堪折，春風自縮同心結。

釋方行 字行紀 嘉定人

頌玉山草堂席上寓興

春暉樓頭月最早，主人宴客情更好。萬斛葡萄瀉綠波，一色瓊瑜藉芳草。捲簾山色何冥冥，吳天半掃蛾眉青。亂雲忽起壓白月，野狐啼煙道路黑。海風吹雨蛟龍腥，雄歌長吁傷我情。門前溪水聲泠泠。

董佐材

青藜杖

北斗城頭風露涼，閣名天祿鄰未央。卯金之子校書倦，默思周孔差羲皇。黃衣老人扣門進，青藜杖端吹火光。光如崑山燭龍照，几席炯炯鬚眉蒼。共談來今及往古。

義理玄奧辭精詳自非神功俄頃間經籍至道淪微茫
大秦靈壽漫榮寵葛陂龍竹徒荒唐豈如天上有太乙
能使人間文運昌雖云過眉尺度短扶翼聖教千年長
當代人才亦豈少好著更生居玉堂

俞鶴字孟堅雲間人

擬古

李白一斗酒忼慨詩百篇一時縱豪放意氣凌青天皇
降輦迎天下稱其賢悠々千載下此道非不傳
漢祖雲夢遊當時曷為意執信繫之歸封以淮陰地一
為陳豨謀功業已違志忤焉煩聖憂忠良勿宜廢
昭侯愛敬表勿賞徒笑顰孔明誅馬謖克意在經綸一

以待有功一以待無親賞罰苟不濫大業崇千春
魏紀未云久司馬懷其璽骨月復相殘敵人還蠱起中
有慕容氏岫然乘間起覆轍勿復蹈鑒之在青史

顧或字孔文

塞上曲

燕山蒼蒼塞上紫雪花如沙月如水穹廬酒煖貂裘溫
白奴角聲全部起將軍鬕方髮指冠指壓馬蝟心不寒
士卒並持蘇武節首魁莫作李陵看

刈菅

刈菅種冬葵葵生菅亦生再刈葵必傷置之菅復榮地
力既已竭灌溉亦非輕終焉同草莽何以慰我情刈菅

當刈根。始謀在深耕。
金詮字石平撫州人

春夢軒

池青草色暖。蝶曉花枝滿。花滿復花稀。春歸蝶亦歸。蝶歸春杳。春夢何時曉。推枕看東風。幾人春夢中。

袁凱字景文雲間人

蚊

羣蛇戢。方聞爭。蝦蟇蝼蛄相和鳴。百足之虫行無聲。毒氣著人昏不醒。蚊蚋雖微亦縱橫。隱然如雷吁可驚。東方日色苦未明。老夫閉門不敢行。

吳哲字子愚號淡雲野人華亭人

題西省掾王繼善望雲圖 時親居錢塘

掾郎思親仍好奇。野服矯首天之涯。白雲何處是親舍。吳越山橫雙黛眉。當時釣遊在親側。縱逐風雲上京國。一為微名歸不得。兄弟無人慰顏色。漫把羹牆擬白雲。白雲聚散愁紛紜。九江秋早祿田熟。負米趨庭手自饋。過裏洋河

裏洋河何湯。奔流百折到龍岡。砂磯灣。裏河長船頭照見落日黃。愁雲低沒雙鳧翔。檣烏孤征西徇遑。遙空半作明月光。涼風忽來吹我裳。荻花夜白含清霜。裏洋河思故鄉。

雪夜有懷范王屋叔中朱滄州孟辨

江南地薄雪，寒綠江。矮屋茅復單，折薪^東空燎眼。春
陽不暖先生盤，西家利沽常苦酸。東家壚頭量子寬，山
公八斗烏足醉，少湏暫解雙眉攢。門前柳花飛作團，瑤
田珠樹生闌干。鄒枚僵卧竟不起，對此欲賦誰同懽。南
州俊髦陸與韓，蹀躞進誤刷凌雲翰。雋才阮生急一官，肉
眼不肯空曹瞞。滄洲渺渺玉厓噴，屹二仙者流同余肺。
肝進直任公鉤，退屑淮王丹。宗儒倡道富文學，妙斡旋
造化歸毫端。乃謂宣尼顏子不死亦易事，忍見后天日
月凋雙丸。今夕復何夕，三山皆白鸞。我欲邀二仙，受簡
發汗漫。仙兮素愛我，御風諒非難。戒兒預沽酒一石，此
醉要吸六合萬頃冰壺乾。

寄閩中兄子昭

日落咸池西，迴光麗幽厓。陽精有時下，死草生春莖。鳳
羽亦翔集，鳥聲相和諧。修名在早晚，君子慰中懷。
有客扣我門，手送閩中書。我懷相感發，憤樂在須臾。征
途問生死，加餐安起居。樂只父母心，富貴將何如。

王逢

題煥章松筠軒

煥章號采芝生，雲間人事親孝。好古博雅善書畫，過
其所居松筠軒，時煥章謝病却掃晏如也。壬子夏，因
哭母喪明，作詩以贈。
蒼髯鬚官直節君，曹生落日與羣丘。園傲兀歲寒月

幾簞瓊香臨涼雲天風冷然露清洒山人曾來坐其下
谷水秋高一鶴飛門前過盡黃塵馬

大雅集卷第三

大雅集卷第四

張以寧字志道閩人

蛾眉亭

碧酒襲玉瓶獨酌蛾眉亭不見李太白但見三山青秋
色淮上來蕭然滿雲汀安得五十絃彈與蛟龍聽
孫華字元實號果育老人雲間人

夕陽

夕陽挂紅鼓強半浸綠水斯須日漸下堆阜參差起老
夫岸巾坐并入圖畫裏新無停机擬議已非是人間
稀澗事終有變滅理如何曠士懷眷不能已

倪瓚字元鎮

送李微士過荆溪訪王司徒

何處尋狂客，故人王子猷。花殘庭前樹，風吹溪上舟。紫
筍生春雨，綠蘋滿芳洲。心隨酒舫發，悵望不能休。

送微君還揚州

二月桃始花，淮南客還家。階前疎雨落，堂上春衣薄。烏
言沈約在吳中，玉壺清綠酒如空。春風相遇蕙草綠，芳

菲滿堂葉未終。

錢璧字伯全，華亭人。

贈瑞雲上人

英英谷口雲，鬱鬱溪上林。形影偶相值，去番復何心。握
筆攬秋思，倚窓延夕曛。誰云市朝遠，亦足慰幽尋。

鄭基字本初，三山人。

擬梁簡文五七言體送鐵文彬左丞奉召還京

將軍功蓋世，揚威靜海隅。蛇矛榮後騎，虎衛促前驅。三
門開地甲，八陣轉天衢。鏡鼓潮頭響，竿旗日下趨。飛梯
躡晴島，合璧示宏圖。降醜尋封奏，帝庭墨書叩。鳳落青
冥，再召伏波歸闕下。南荒銅柱已鵠銘，駢返駟馬黃河
春始融，輕風流碧塞。晴日炫瑀弓，柳折秦山麗。冰消泗
水通，錦鷓窺長坂。白雁壓春空，黃封將法酒。羽檄候元
戎，麟閣圖形已預知。更應設帳預瑤池，夕斂花光歌吹
歇。御帖重頌紀宴詩。

李益字象賢，寧海人。

和友人過西郊韻

秋原晚蕭曠，杖藜荒徑微。川洄眾鷗集，天晴孤鶴歸。寒烟蔓草密，積雨豆苗稀。臨流擬結構，息鞅振塵衣。
釋萬金 字西白 吳郡人

趙千里田家四季圖

桃花浪已深，楊柳風猶弱。鄰曲欣往來，逢迎勸耕作。健犢不自暇，老農良有托。共醉社日尊，陶然得真樂。
蚕事方告成，鳴蜩有新聲。挿秧雨初徧，治草日不停。雜坐高樹陰，解衣午風清。作勞時自逸，孰謂非常情。
湛：露華白，蕭：楓葉殷，黃雲已半斂，玉粒終不慳。官賦戒早輸，農家期暫閒。酒熟互招飲，只在鄰里間。

欣逢大有年，因積庶稍豐。滌場已十月，朋酒邀諸翁。處處歌擊壤，熙：詠豳風。兒孫自生長，樂與堯民同。
釋觀通 字希遠 宜興人

壺中荷花

愛此荷花紅，天然非雕飾。披：妍令姿，亭：映清暎。風引苗陳香，露含珊瑚色。真之白玉壺，光輝滿瑤席。

周砥字履道

吳越雨山亭

兩山夾江水，孤舟橫翠微。吳雲與越鳥，千古不停飛。風屋洒松瀑，月壑舞蘿衣。王氣未銷歇，霸圖今是非。長歌一杯酒，掃席延清暎。

王逢

題顏守仁竹石圖

廣文窮益堅竹石硯池出孰却虞人旌籟隱伶倫律渭
川春暗雨淇園寒落日鳳深蒼梧雲茅簷花覆屋

題東岡六有圖

隱居古善人中歲稅塵鞅座陳六經傳相揭六有榜儼
若上帝臨於為岱宗仰昕曛貴循度瞬息戒或罔賓師
臯比擁兕孫蚌珠朗將見一家學鄉術春泱盎世方驚
虛遠俗復競浮獎不圖窺橫溘葦航排風上予嗟清流
輦復悼八厨黨何楷名教間浩然獨還往月林涵踈影
溪嶼臻灑爽良覲非復遲朋酒置巖象

蘇大年字昌齡廣陵人

題萱花圖為賴善菴賦

亭亭萱草花歲晚顏色好興言北堂陰樹之可怡老懷
歸未能遊子悲遠道披圖歌白雲天末飛鴻杳

曹睿字新民永嘉人

贈顏守仁

吾友夢谷生其人美如玉平生鍊石心剛介不可辱寧
甘首陽貧寂寞在空谷懷哉能幾見高風激流俗

賈閎字兼善會稽人

述懷

流光何駸駸瞬息不我待憶從越山來忽復廿餘載羈

栖迫險艱形容烏之改世澤嗟僅延生涯念何在水霜
歲云莫憂端際滄海積陰韜日月矯首重興慨願效商
崑翁行歌紫芝采

葉杞字南有號漪南京口人

感喪

貢賦通重譚耕桑被九垓歎驚氛祲滿不謂歲時催丞
相興師出綸音降使開紫泥封五采黃道統三台燁
宣光業桓李郭才陣雲連朔野廟畧定風埃香糯江
南餉葡萄隴右醅羣馬金奩匣毳帳雪毡毳劔動彭城
潰珠還甍社來長丘危破竹密令疾斲枚王者征無戰
羣雄孰欲推忽聞君命召竟勒將旗回中夏捐雞肋清

朝隱鳩媒義聲從此邁銳氣一時灰天迴威孤矢城孤
画角哀大狐番嘯聚海鯉復喧颺款附真遺患除封實
戲孩民情猶耿惻天討尚徘徊憂憤飛神爽瘡痍映泪
腮衮衣徒倚注肉食自興臺河漢明如洗崑崙豈易顧
孰矜黃鵠志羞上野鷹臺微効寧無念篇詩信漫裁霜
晴野空濶獨立望蓬萊

董佐才字良用

題華亭朱孟辨篆冢詩卷

古初無毫楮羲畫何由傳孰知文理已具河圖前神農
洎蒼頡俛仰極人天穗書與鳥篆創制分後先龜疇錫
禹時盤銘著湯年岐陽紀石鼓史籀稱獨賢矯首蛟龍

蟠鬱若鍊鈕連科斗聿行漆形體因自然一從孔壁發
重爲經籍憐秦相約籀古撰次蒼頡篇小篆遂名家勁
健含姿妍登封及詛神金石分瓊碼下逮隸分八變化
如雲烟漢經煨燼餘文教仍敷宣保民存六書學僮纔
九千揚雄纂奇字杜林解深研繼踵非無人意氣莫不
全偉哉許祭酒蒐羅歸簡篇陸緒賴復舉後學知相沿
陽冰克遠紹磁鑄造其玄近代郭與周筆執回奔川華
亭朱茂才好古喜微顛一掃世俗書習篆忘食眠秦望
之果碧落兼新泉小者案間列大者屋壁懸平生囊
索費多充買碑錢功深學既精齒壯志益堅池魚深皆
黑鑛研磨將穿模榻累萬翻期差古人肩師法正在茲

什襲比蹄筌孫樵文自祭智永筆忍捐前修不我欺吾
癖尤難痊嗟峨細林山上與浮雲連譬彼汲冢書函之
痊之顛叙土對石堂劉若表爲阡其陽碧樹交其陰書
帶緣山靈謹呵護有名如有仙揮洒人間者顯晦名非
偏寶劍賈胡發玉柙蔓草纏如何篆冢光夜下映星躔
王逢

沈一中清友爲修秋堂風露琴先寄是詩期過最
閒園夜宿

一日焦尾脫十年孤鳳喑欣遭運斤手妙得斲輪心溪
館茗煙薄石床蘿月深携之最枉頌側耳陽春音

淵明把菊圖爲居生遵誼題

解官賦歸田。把菊秋風前。領問劉寄奴。何如傅延年。

大雅集卷第四

大雅集卷第五

孫華

至順改元季夏大雨幾月

雨欲沈三版。天應隔萬重。元年書大水。六月變窮冬。消
長閔時宰。艱危泣老農。蛟龍毋太橫。於爾卜豐凶。

召命因赴省。以老母夜至嘉禾驛。二首

歲晚離家去。更深上水船。犬鳴營柝外。漁唱驛燈前。遠
役閔慈母。孤忠伏老天。極知朱紱貴。無奈采衣妍。
漢使微求急。潘輿定省頻。小人猶有母。率土莫非臣。歲
儉盤炊玉。家貧酒泛銀。自緣憂鶴髮。豈敢逆龍鱗。

張憲字思廉號玉筍生會稽人

次許廷佐見喜樓詩韵

高樓名喜見，遠客獨傷心。鞍馬思劉備，衣冠惜華歆。光

浮海澗，秋色到江深。送目關干久，冥鴻入杳沈。

黃璋字仲珍華亭人

遣興

滿目烽烟在，經秋血泪垂。素無投筆志，空有掛冠思。江
總真能任，陶潛托賦詩。獨餘心炯炯，静夜月應知。
牢落悲生計，艱難嘆索居。母兄皆寄食，兒女久無書。井
邑兵戈滿，郊園瓦砾餘。傷心春雨過，農事定何如。

徐孝基字立本章安人

寧海道中早行

中歲事行役，勞生卒未休。大星垂野白，遠水際天浮。土

俗與塩賦，民居橘柚稠。何年謝塵鞅，歸卧此林丘。

劉孺字小魚江陰人

送朱自明調閩憲掾

昭代急賢才，君今甫妙年。閩_中烏府客，江上米家船。美化

移蠻俗，清風斂瘴煙。好尋京兆老，珍重玉堂仙。

釋宗衍字道原

吳江晚泊

風壞三州接，江湖一水分。虹消滄海雨，日落洞庭雲。客
思終難盡，渙歌實飽聞。長思陸魯望，不出可忘君。

秀州東郭舟中

自在眠沙鳥，參差入郭舟。山林吾計拙，天地此身浮。曉氣成雲住，晴波雜霧流。攬衣疑厚薄，十月暖如春。

釋元本字立中

近聞新出處，水北古招提。鵬鷲凌塵出，驂騑頽主嘶。失弓還問楚，抱琴漫過齊。道上將軍樹，詩篇莫浪題。

歸懷

憶昔兵戈際，艱難覲省歸。庭闈惟進酒，弟侄戲牽衣。慈竹春陰合，萱花夕露微。即今懷父隴，祭掃久相違。

程煜字彥明維揚人

過太湖

擊楫中流去，西風客思催。地吞南極盡，波撼北冥迴。蛟館縣秋月，龍宮起夜雷。濯纓人不見，長嘯到金壘。

楊基字孟載

夏夜有懷

重露澄春色，輕風生夜涼。碧看湖草亂，紅愛渚蓮香。有弟徒相憶，何人不異鄉。悲笳在城上，隻淚落衣裳。西月離東井，黃雲近紫薇。秦州今日亂，漢使幾時歸。故舊皆朱紱，風塵只素衣。流螢念孤寂，相照入疎幃。

印思文字彥文

簡報國寺渭清遠

聞說招提境，空山紫翠中。空王新象馭，天子舊龍宮。愛

酒慚陶令能詩憶遠公。欲尋方丈室。相續晉賢風。

淞江亭

極目錢塘上。千山列画屏。雨晴江樹碧。潮落海門青。對
景悲王導。移家憶管寧。臨風一惆悵。沽酒慰飄零。
梁天祐字祐之華亭人

遣懷

四十今年是。亂離生百憂。身居南海上。家在北山頭。對
酒心先醉。看花泪欲流。時危賴支遁。禪榻重淹留。

董章字士明四明人

挽邁里古思

大夫寧制虜。元帥豈容文。白髮難忘母。丹心只為君。虎

狼千里戰。吳越半江分。落日孤城在。忠良死後聞。

次友人韵

唐世何多難。詩愁杜拾遺。皇天終厭亂。聖德本無虧。自
比當年事。空懷故國悲。一般思弟妹。不在漢華離。

許衡字廷佐黃岩人

涼雨

火雲將晚藏。涼雨忽西來。天地秋光到。江湖客未回。思
家空有泪。憂^國豈無才。萬里關山道。誰憐庾信哀。

魯淵字道原曲阜人。前進士

題馬文壁秋山圖

館榭空山裏。林泉象外幽。淡雲初霽雨。黃葉早經秋。路

轉山藏屋橋 岸倚舟直疑人境異便欲問丹丘

俞俊字子俊

數息
百年同轉燭五十始知非老病侵腰膂浮名苦事戰閑
門羅可設今雨客還稀空羨茅堂燕翻二傍母依

沈欽字欽叔

寄劉小齋

村迴落葉赤江空寒日黃野鴉隨處宿官柳自成行無
路歸秦客逢人問楚狂長歌一迴首淒惻向蒼茫

張樞

得拱辰弟詩次韵寄安慶建寧二弟

三弟一書歸經年萬事違舟移安慶雨雲作建寧衣老
去知心少春還見面稀間愁無着處開徧野薔薇

釋元靜字天鏡雲間人

重九

舊日重陽節惟尋麴米春勿驚時到眼但覺老隨人白
髮雖難黃花不厭貧登高本無意踪跡媿紅塵
故舊俱淪喪人情轉寂寥駉馳逢九日牢落是今朝把
菊難爲醉囊萸興自消江鄉獨無賴風雨暗蕭蕭

顧天祿字謹中

夜泊

海近潮初上江清天倒流故鄉頻入夢此地獨維舟落

雁沈霜鏡，潛魚避月鉤。不眠催早發，歷歷數更籌。
城郭還依舊，人民似昔非。故鄉南去遠，奉使北來稀。
水落波聲小，天空月色微。客舟隨處宿，浪迹幾時歸。

釋靜慧字古民

寄梅雪朱隱君

何處風篁好，渙荏路不遙。水光清暑簟，花影赤闌橋。
坐客分詩卷，鄰姬浣酒瓢。離懷無可贈，春夢過蘭苕。

顧彧字孔文

客夜

露下碧梧白，風生玉籟幽。閨河今夜客，天地十年秋。
鼓角悲新鬼，衣冠憶舊遊。都将周顛泪，洒徧黑貂裘。

賈閻

和年弟聞人樞京城雜詩

鳳詔頒初罷，花陰轉玉墀。塩梅調鼎鍊，絲竹奏咸池。
風靜爐煙直，雲開扇影移。紫薇花下客，爭賦奪袍詩。
山孰北來遠，河流東去長。天街羅虎拜，帝室降龍祥。
石鼓苔痕碧，金盤露氣涼。慚無董賈策，三伏奏明光。
落魄南州士，看花愧不先。來承金馬詔，及見玉堂仙。
日月閑雙闕，星河麗九天。何階近帝袞，身惹^御爐煙。
霄漢樓臺湧，春風燕雀飛。櫻桃臣舊賜，首着馬新肥。
清漏傳銀箭，紅雲護袞衣。窮經晚進士，慚受一官歸。

雪

卷五

六

朔風吹破屋，曙雪下續紛。六合渾清氣，千山盡白雲。老
蛟深閉蟄，獨雁遠呼羣。想像西湖路，梅花瘦幾分。

春雨

曉雨連山白，春雲壓地陰。叢篁棲雀亂，芳草落花深。水
澗西江眼，天長北闕心。孤桐間在壁，忍操越南音。

吳哲

和儲公輔上藍寺

遠俗依蘭若，清心愛竹房。靜携蒼玉珮，高卧白雲鄉。近
座天花密，開函貝葉香。方庭涼月上，隨意據胡床。

題盛本初居易堂

自分驅馳懶，却知踐履深。風雲難強會，箕穎亦何心。眉

眉齊門瑟，悠々梁父吟。同行信如砥，吾道孰消沈。

葉杞

幽懷

季子長遊日，張翰早見幾。秋尊侑魚鮓，霜葉滿貂裘。詭
遇遭時籠，才猷與世違。予生傷往事，甘老故山薇。

陸燾字子臨四明人

野晴

雁影鄉書外，江聲客思中。野晴秋獲急，村遠晚吹同。松
桂如違約，文辭任嬾攻。蕭々吹鬢雪，又見荻花風。

大雅集卷第五

大雅集卷第六

馮子振 字海粟

楊花 和子臨韻

曾與行人惜翠條而今飛絮滿河橋一分流水萍初破
百尺春風雪未消微撲粧樓啼半面乍粘舞席折纖腰
沾泥更傍誰家切簾戶新聲紫燕嬌
晚晚春光與領遠悠揚風日變無暉不隨芳林千林歇
還起游絲百尺飛夢落吳蚕欺薄墜心隨代馬戀征衣
鳳池踪迹遠巡到未忍飄零拂釣磯

袁伯常

寄贈

白塔亭：透夕陽，芭蕉深處碧窗涼。江神夜和光明偈，
天女朝聞解脫香。魚跡午空烏守樹，經臺雲冷鶴歸房。
平生領結西方社，却笑淵明作吏忙。

寄子昂

故園王孫佩楚蘭，春宵涼月倚朱闌。玉簫曲起鶯聲轉，
金鼎香隨蝶夢殘。碧汀波清堪把釣，黃塵風急倦彈冠。
外家文物惟君在，笑我冰姿跨曉鞍。

張翥字仲學

寄周伯溫

天子臨軒授鉞頻，江南無地不紅巾。鏤衣遠道三軍老，
白骨中原萬鬼新。義士英靈虹貫日，仙家談笑海揚塵。

多將滿眼淒涼泪，哭盡平生幾故人。

送宋本禮部狀元調遷回京

聖主求賢禮數崇，策名高步冠南宮。乘槎折木天門上，
奏賦甘泉鹵簿中。洙翰墨凝仙掌露，護衣香散御爐風。
只今帝業熙千載，正待儒臣黼黻功。

寄陳子華

時番
淮海

鳳在陽岡鶴在皋，相思空遣夢魂勞。簫吹夜月江橋酒，
查泛秋風海市潮。故國山川分吳野，美人辭賦楚離騷。
瓊花新置爭傳寫，應使揚州紙價高。

項炯字可立

金陵懷古

江左夷吳浪得名，豫州英概亦沉冥。夕陽枯樹山如赭，
秋雨荒苔草自青。漢苑玉魚復葬昭陵石，馬已無靈
可憐白髮商人婦，猶向燈前唱後庭。
楚聲夜起忽傷悲，運米東南事可知。塞上竟金去盡
塚上俄見石麟隳，宗端只合先期死。丞相空聞後出師，
落日半江秋寂寞。乳鴉猶繞萬年枝。

陳可杰字漢卿

漢陽道中

老翁八十臥田廬，田望中_原泪滿裾。盜起山東多似蟻，民
移河內半爲魚。戎衣已見開金甲，優詔曾聞下玉除。白
首孤城州縣職，無田得奏一行書。

吳克恭字寅夫

送唐漢卿

春風顛狂復細微，吹浪蕩漿動人衣。野桃葉小流鶯至，
官柳條青江蠶肥。稍別未嫌頻作惡，相逢自識故應稀。
腐儒竊祿真何補，迴首滄洲白石磯。

薛常州端午雅集

端午宮詞進閭門，侍臣應得忝方尊。御爐畫扇金花細，
篋壘朱絲玉臂溫。太子題詩成故事，前朝報國荷殘恩。
更求醫士三年艾，携向冰壺炷自暄。

張以寧

錢塘懷古

荷花桂子不勝悲，江石絲華異昔時。
天目山來孤鳳歇，海門潮去六龍移。
賈充悞世空無策，庾信哀時尚有辭。
莫向中原誇絕景，西湖遺恨似西施。

題釣臺

故人已乘赤龍去，君獨羊裘釣月明。
魯國大名垂宇宙，漢家小吏侍公卿。
天迴御榻星辰動，人去高臺山水清。
我有長竿數千尺，坐來東海看潮生。

孫華

鳳山懷古

宋家事業如漢晉，遺史^班今尚存。
南渡衣冠元帝紀，中山廟社靖王孫。
海門龍去秋潮橫，宮樹烏啼夕燐繁。
已

恨無人似諸葛，憎何物學桓溫。

王氣中流夾馬營，殘星遙繞鳳凰城。
斯文自可同三代，故能^{老備}語二京。
揖帝有車將白璧，太皇無艦載蒼生。
只今四海漸聲教，共戴堯天樂太平。

天兵壓境，陳宜中啟謝太后，請三宮浮海，且云舟航已具，后曰：臨安十萬百姓，豈能盡載否？遂降。

故汴人才軼漢唐，東南文武尚張皇。
荆吳形勢傾丹鳳，伊洛源流到紫陽。
宇宙自來開曆數，江山渾不管興亡。
空餘車馬塵埃市，猶作鷓鴣變化鄉。

莫向登臨起嘆吁，故宮今已梵王都。
麒麟駁娑荒荆刺，鸚鵡頻加張必芻。
輦道久無^黃曲蓋，寢垣誰置白浮圖。
望

江亭子依然好，時有胡僧置酒壺。
俞俊字子俊，號雲東，華亭人。

渡江

臘月六日浪山上，浪花如雪孰吞舟。
隔江隱隱聞吳語，去國遑遑學楚囚。
白髮慈親初屬望，青山倦客不勝愁。
幸存杜曲桑麻地，敢望班超萬里侯。

楚州夜泊

漏鼓頻敲，欲四更野航燈火對愁明。
城頭楚語驚鄉夢，船尾吳歌動客情。
漠漠水雲聽雁渡，蕭蕭風雨自雞聲。
離羣遠道嗟何及，未必江湖了此生。
次高原朴見寄韻

年少簪花壓帽簷，飛騰走學競春纖。
空餘老泪青衫濕，遮莫新愁頭上添。
生計有涯蚕上箔，公庭無事鳥窺簷。
昔人漫說揚州鶴，自笑熊魚豈得兼。

董佐才

過顏炳文梧竹軒

高梧十尋竹千挺，一塵不到軒中央。
鳳凰夜栖碧雲暖，翡翠晝鳴窻雪涼。
聲度書窻月墜井，影來棊局楸過牆。
何當拂衣遂歸隱，日拜慈親稱壽觴。

董紀

題友人山居

煙蘿寂寂，蔭柴扉，路入蒼苔一徑微。
江燕定巢來自熟。

岩花結子落還稀，修琴有制先鈔譜。沽酒無錢更典衣，采葉山童終日去。夜深長與宿同歸。

張樞字夢仁

送友人之戎幕

金吾上將開東閣，白髮參軍起曲阿。嚴武故人惟杜甫，馬周知己獨常何。龍蛇久閉繁兵甲，烏兔高飛避網羅。恍慨平生兩行泪，哀時更比別時多。

宋處仁字智民華亭人

杏園

天寶年中賜宴開，慈恩寺裡看花來。雨香曉潤金泥帖，霞影春暎綠玉林。詩客錦囊還可賦，花奴羯鼓不須催。

只今萬樹臘脂雪，遺核應慚董我。

灞橋

石罅頽蚪幼殼存，將軍舊業許誰論。波浮沆瀣吞虹影，玉琢連環鎖地根。花信雨晴春酒館，柳陰樓倚夕陽村。蹇驢奔走江塵客，破帽題詩合斷魂。

盧昇字廷舉高唐人

為王澹洲真人題登瀛橋

仙翁作橋臨岱宗，木公金母來往同。銀河一夕失烏鵲，白日半空垂紫虹。雲飛海傍石檻過，水流直與丹池通。我常曳杖躡其上，彷彿如到滄溟東。

東宗庚字章孟

題如一涼淪雪軒

白雀步苔窺短楹微煙浮動鬢絲輕玉塵落碾雷聲殷
瓊乳滿甌雲影橫心入蓬萊仙路杳書傳諫議夢魂驚
却疑說法人天座散亂空花雙眼明

張璧字景辰陳晉人

嘉禾

城樓倒影落湖波湖上風帆鏡裏過歸客自炊菰米飯
小娃爭唱竹枝歌梭頭艇手輕如葉雪色沙鷗白似鴉
此地將軍戰時血春來丹漬蘚痕多

橫溪

扁舟東來歌扣舷四顧雲水心茫然蛟龍見窟不唾

星斗滿身如在天打鼓賣與江雨歇看山濯足溪風顛
解衣典取酒一石醉伴忘机鷗鳥眠

朱芾字孟辯號滄洲雲間人

寄張子政

野政老人隱者流清溪繞屋似愚溝自編蒲葉作素簡
時馮松花洗玉舟仲連未遽蹈東海孺子還復栖南州
別來清事想不廢詩成應盡李營邱

沈伯修

懷缺厓先生

烽火南歸鬢未華草玄亭在水東家綠篔簹新長參差玉
瓊樹能開頃刻花坐按小娃歌白苧醉呼童整烏紗麟

洲別業清無暑，翠盞時浮五色花。

釋守仁

寄友歸上洋

四月南風吹白沙，春歸遊子思無涯。讀書未
巢東舍，送客先歸海上查。萬里黃塵悲戰馬，滿城紅雨亂飛花。
傷心不折湖邊柳，更待從來駕小車。

柯九思

飛龍亭

謝安墩上新亭好，玉斧鸞旌記昔遊。五色曾瞻天子氣，
六龍俄起帝王州。元戎談笑收京闕，阿閣論思侍冕旒。
一臥滄江今白髮，鼎湖雲斷使人愁。

送黃鍊師

樞皮書壁走蛟龍，蛇池上芭蕉。又見花北闕，承恩新雨
露。西湖光動舊煙霞，春風日長玄都樹。秋水星迴北斗
楂，修月功成三萬戶。蓋珠宮裏誦南華。

周之瀚

石棋子

棋子灣頭千尺渦，塵心出世恐無多。自然黑白分明見，
天巧團圓不用磨。本與閒人消日月，却教平地起風波。
不知煮作仙人供，更覓山中爛斧柯。

王澤

寒食

天星夜落水犀軍，又見吳宮走鹿羣。
睥睨金湯徒自固，倉皇玉石竟俱焚。
將軍只合田橫死，國士曾無豫讓恩。
風雨明年寒食節，麥盂誰上太妃墳。

釋原本字五中

寄杭州許萬戶

八月錢塘蜃氣紅，守江諸將漫論功。
遐荒未盡歸王貢，南海初聞奉使通。
帥閫旌旗低白日，山城鼓角起悲風。
不須弔古追前事，秋草離滿故宮。

釋靜慧字古民

題天馬圖

八尺飛馬十二閑，飄飄來自崑崙山。
曾陪八駿崑崙頂，

肯逐羣雄草莽間。落日倒行悲峻坂，
西風苦戰憶重關。夜郎可是無新貢，
天步於今政險難。

沈鉉字文舉

趙松雪故宅

故國西風王氣銷，珊瑚玉樹半飄搖。
曾瞻東壁迴天象，故看南冠續漢貂。
第宅空存森衛戟，墨池乾盡尚蘭苕。
高人一去風流遠，夢憶蕭聲第幾橋。

釋志瓊字蘊中

深秀亭暮春述古

空庭雨濕故華苗，迴首東風憶遠人。
玉砌香消行跡斷，瑤闌吟徹別愁新。
樓臺半是前朝景，桃李都承舊日春。

歸燕多情還戀主，御泥雙拂画梁塵。

俞鶴字孟京，雲間人。

寄董良用

東望雲山萬重，烟波只尺是菱湖。十年為客荒三徑，百
里憐君住九峯。把酒每懷彭澤令，放歌甘作鹿門農。闔
閭風景渾非舊，愁聽寒山半夜鐘。

董佐才

細柳營應試

棘門灞上皆兒戲，只數條侯細柳營。天子徐行息至重，
將軍不拜禮非輕。渭城萬樹春陰合，漢室千年塞虜平。
他日從知可堅臥，豈愁奔壁有吳兵。

張守中字子政

次堵無傲中書宣使過維揚

鶴鳴雨後淡雲天，三月花飛水滿川。暖吹迷沽酒館，春
城還泊載書船。新詩句法傳江上，壯歲功名到日邊。蕭
洒使君懷抱濶，相逢又喜五門前。

顧或

無題

灤河開國世還淳，職貢梯航罔不賓。珠樹木難炎土物，
紫駝黃鼠朔方珍。雕題火老鍤金珥，漆齒酋王冠玉麟。
荒服年來朝貢絕，包茅責貢竟何人。
百年功業自天開，化洽周南陋漢才。朱雀每從海獲白

禽還自越裳來繡玉斧嚴丹陛袞冕桓圭列上台政典
有餘戎備畧秋風滿地獨無哀

張昱

寄王梧溪

仙舟曾記過南堂鳴鳥高梧日正長蝴蝶重來春夢覺
牡丹欲盡燕泥忙當時賓客知何往此音書或漫忘猶
有白頭王祭在獨將辭賦動江鄉

賈閻

感懷

閔河北望正愁人且復雲間托此身一片丹心昭日月
數莖白髮老風塵箕裘嗣世慚無子菽水承顏喜有親

自是故園歸未得杜鵑啼破越山春

題葉隱居雪蓬

朔風吹雪滿溪灣一葉憑虛獨往還擊楫正思歌玉樹
舉頭驚見失青山曉窮滄海模糊外夜泛銀河浩蕩間
笑殺當年韓刺史苦寒騎馬度藍關

葉杞

楊文舉先生辟宣政院掾

西方象教被中華寶幣絲綸示麗嘉冠冕總依金粟影
香雲常近紫薇花日長臺院機仍暇春滿湖山迹未賒
獨喜掾曹儒自守只將經史載三車

謝楊建德過舉

艱危懷抱一時開，忽拜黃堂手札來。
鴻鵠風高羅網渡，燕鶯春滿客星臺。
親聞政爾嗟垂白，清議無煩到不才。
聞說棠陰樹德倚樓長，詠北山萊。

挽樊參政

公名軌，敬字時中，濟寧人。由丁丑進士，累官侍

御史，江浙行省參政。至正壬辰，徽寇陷杭，武臣

野道公單騎前驅，戰死於歲寒橋下。

中臺御史新參省，南紀妖星正合圍。
主將向來推右族，漢人即得預戎机。
戈麾落日身先死，雲慘青山未骨歸。
惟有鄂王雙宰木，歲寒流水遠含輝。

挽楊員外

諱乘，字文載，濟南人。由參議府掾，累陞江浙省

員外，徽寇陷杭州，朝廷以大臣失守罪，公依

人章彰德于龍江。至正丙申，今太尉時稱王中

吳遣使聘公，公笑曰：我豈事二姓耶？遂經死。

太息南冠久陸沈，百年風節見于今。
王嘉不赴公孫召，朱泚寧移秀實心。
南海有靈歸夜月，荒原無樹着秋吟。
不知江漢新降鬼，曾憶天朝雨露深。

挽楊左丞

諱完，字世傑，廣西之武岡人。兵興，率苗兵應

英剽勇悍，所向多克。官至海北道元帥，江浙省

丞相，達識公義之制。拜公參知政事，時淮張氏

稱王中吳。孰卷浙石。公振師復省治。保嘉禾。既
張氏降。江浙省奏拜張太尉淮南平章行樞密
知院公。加本省左丞。越二年。張發兵掩襲丞相
階拱。竟不之援。公嬰城固守。且斬賜馬以享士
卒。諭以大義。拒戰十日。遂經死。弟伯顏同死之。
幕下員外郎王國賢嘗直言侵丞相。丞相殺之。
馬首星河半壁天。東南保障豈徒然。越陀新拜中朝命。
吳會重頒至正年。故土未歸師竟老。長城離壞力難全。
梧桐池上蹲孤鳳。他日應慚義鷲篇。

挽余忠宣公

諱闕字廷心。青陽人。明經。登癸亥進士第二。時

兵興。以淮西宣尉使出鎮安慶。徽寇起。上游遠
近尾解。郡當淮衝。公堅守六年。日夜禦戰。朝廷
聲聞不通。芻餉道阻。公經心緯思。賞罰信。號令
明。與士卒同甘苦。由是俘獲莫計。卒以援不至。
食且盡。城遂陷。公偕妻子盡投水濱。從裨將死
者六百餘人。

淮江風急鳥蛇空。特立旌旄板蕩中。萬里懸孤班定遠。
滿城忠烈漢臧洪。瓊林星漢回文運。皖國雲山誓武功。
尚憶繡衣行部日。遺民揮泪浙江東。

吳哲

讀文丞相吟嘯集

卷六

十三

忠臣就死古來多，丞相謀生脫網羅。要爲春秋明漢賊，忍題風絮泣山河。綱常道在詩千首，骨肉情長賦六歌。番得精誠等光岳，姦魂佞魄奈愁何。

丙申三月，從平章左公搃戎臨安，過南山訪鐵崖。時溪漲馬不克渡，延佇口號。

旂旄晨趨十萬軍，衛青幕府事紛紛。卧龍不遠滄溟窟，走馬朝看館閣文。春過名山花亂落，雨晴飛瀑路難分。先生高伴洪崖笑，獨向溪邊望白雲。

西江有感

姑蘇臺上白雲飛，城郭人民半是非。方寸有時忘匕箸，夢魂無夜不庭闈。從來此地音書絕，漫恐還家骨肉稀。孝

道未全卹敢死，暗將孤泪濕征衣。

小姑山

俗繆小姑山有聖母烏廟像在山焉

中流玉卓迥無羣，大海雄藩自楚分。宋高宗大書顏其

絕頂香常淑日，靚粧樓閣不藏雲。孤根暗直龍栖宅，

亂水平鋪鳥篆文。我欲維舟明月裏，爲神鼓瑟候湘君。

題豫章鐫孝紀所藏朱元暉畫卷時久不得東吳消息

松陽之居何處尋，展卷聊復慰幽心。門前鶯去花事畢，

屋裏雨鳴江樹深。微茫漢月墮燕草，窈窕吳釵成越吟。

南宮仙人獨不死，白雲歲歲蒼山岑。

遺興

徒步何晏辭肉消賦歸無待楚辭招摩孛藥籠三年艾
人寰五石瓢蓑笠雨淹滄海釣斧斤晴起白雲樵遊仙
枕上西池月轉覺東華曙色遙

七夕漫成

烏鵲梁成一歲過靈風此夕度鳴珂
牛渚重來失素波巧落人間微應少
愁歸天上別離多
回車月照無消息香霧雲鬟奈尔何

寄王梧溪先生烏溪隱居

有幽貞谷濯風所

陸海鶩塵竟不開早從人世得天台
濯髮林端夕吹來述作才長勞汗竹
謀謨籌在潤生苔
喜聞家政傳諸子十畝黃雲總酒材

和張拱辰輦中秋波韻

頗怪清狂廢客眠桂花飛雨落瓊筵
仙珮聲微窈上天載月輕查渾汎葉
吹雲長笛總如椽
百年高會誰能繼一為新詩作浪傳

王掇字伯純

送秦東海法師遊上清

為愛仙山絕世氛蒼苔寂寞路難分
瓊樹春深半是雲洗葉泉香龍脫骨
吹簫臺廻鶴成羣
隱文秘訣無人說我欲相從一問君

寄倪元鎮

赤水丹山雨隔塵麻姑書信莫辭頻
久知鴻寶飛騰術

獨青雲磊落人。賓戲能消春晝永。名香聊試石泉新。東風回首西陵道。重擬携書與卜隣。

送錢思復提學歸曲江舊隱

湖海多年鬢欲銀。一官依舊廣文貧。淹番濁世惟懷土。寂寞青山不受塵。酒伴凋零元自少。詩筒來往莫嫌頻。曲江春水應無恙。安得相從與卜鄰。

林洵字季文天台人

送顧謹中赴國學

洪武初年監學開。大明天子育英才。不徒貞觀儒風盛。載喜新羅子弟來。佩影三千環泮水。書聲日夜徹蓬萊。君今此去文名著。行見奎光近上台。

春風四海喜昇平。花氣浮香日日晴。儀鳳舞庭爲世瑞。神駒脫御向人鳴。英年好試春秋學。美譽曾傳月旦評。聖主求賢端爲國。虎頭不負有雲仍。

陶宗儀字九成丹丘人

微懷樓爲章處士賦

樓倚青霄護赤闌。時時登眺嬾人寰。寔含虛景東西泖。座挹清輝四五山。古調寂寥惟自適。野情瀟散寄餘閒。塩埃迴隔圖書秘。好約遊仙共往還。

送殊上人遊武林聽法

湖上青峯入座青。尋幽歷歷記吾曾。半篷殘雪溪南別。一錫閒雲雨後登。時向定回聞戒法。便從悟處剖宗乘。

明年二月還相逐，且說傳來第幾燈。
胡謙字彥恭雲間人

題張子信雍真紀行詩集後

有子早傳丹桂芳，明時上國快觀光。平生學業真無負，
弱冠聲名獨擅場。清渭水流春日，太行山色晚蒼蒼。
此行足慰生平願，拾得驪珠滿錦囊。

大雅集卷第六

大雅集卷第七

李孝先

字季和，號五峯，永嘉人。

鑑湖

賀家湖裡見秋風，放翁宅前東復東。兩邊雲樹忽遠近，
十里荷花能白紅。行人濯足銀河上，越女梳頭青鏡中。
我欲張帆上青斗，扶桑碧海與天通。

丁復

字仲容，號雙檜，老人天台人。

寄茅山黃宗師

懸輪峰頭鶴下空，華陽洞口百花紅。長林葉草無人識，
上苑蓬萊有路通。爛醉前年春作客，頗憐去日老成翁。
丹砂不遣來城市，故着題詩寄葛洪。

送僧之浙東

我家浙東海上西，危峯高上作天梯。蛇喉尊者秋歸洞，虎背禪師夜過溪。曉日桃花山更好，春風葉草路多迷。何堪相送寒山寺，短髮頻搔更不齊。

張天雨字伯雨，號句曲外史，錢塘人。

答鐵厓先生

弄水摘花春可憐，風雨倦尋茅步船。我家南塢有靈石，龍井西傾無杜鵑。野鶴乳雛畏人過，弱柳委地起蚕眠。子雲何為甘寂寞，後世何人知太玄。黃篾樓中但飲酒，樓下長溝鳧雁多。灣頭斷橋迷青草，澗處風來生白波。饒奴竟煮脫裊筍，老與戲啞如錢荷。

詔書寬大采海角，河北飢民爭倒戈。

錨若水字澹齋，京口人。

因觀張仲舉張景亮和盧廷舉詩次韵

乃翁同醉鬱輪袍，老老玄都幾樹桃。湖海交情三世舊，兒孫文采五雲高。石門仙去春如夢，翰苑詩來句入騷。山月江風無盡興，酒瓢何日為重操。

倪瓚

送賴善卿采詩

陳詩昔在周盛日，刪詩已是衰周餘。祖述孰能加四始，研窮吾已後諸儒。嗟子用意亦勤厚，聽音知政非迂疎。願排閭闔獻采錄，生變四海如唐虞。

題本立中上人雲山望松圖

西望雲山何處亭，鶴歸松栝秋冥冥。上人不用蓼莪句，
山室長書貝葉經。未應佛法外孝弟，定應仙手鐫碑銘。
過家上冢世代隔，慟哭庭前蘿月明。

次朱孟辨見寄韻兼柬立中蘊中二大士

江水空青外卜居，會衝春雨過平湖。雲山欲覓無聲句，
花果誇傳沒骨圖。莫憶陸机曾入洛，漫憐張翰獨思吳。
本瓊二士平安否，應共清吟到酒壺。

顧瑛字仲瑛號金粟道人崑山人

唐宮詞次鐵崖無題韻

天寶雞人寵賈昌，不教蝴蝶上釵梁。錦綉浴驕天子

絳節朝看王大娘，芍藥金闌開內苑。芙蓉玉璫酌清涼

月支十萬醵脂粉，獨有三姨素面粉。

蓮花池畔暑風涼，玉竹迴文寶箏光。貪倚画屏看翡翠，
誤開金鑠放鴛鴦。輕綃披霧誇新浴，墮髻敲雲銜晚粧。
笑指女牛私語處，長生殿下月中央。

五色卿雲護帝城，春風無處不閑情。小花靜苑偷吹笛，
淡月閒房背合箏。鳳爪擘金鈿合，龍頭瀉酒下瑤嬰。
後宮學作金錢會，香水蘭盆浴化生。

龍旂孔蓋擁鸞幢，步輦追隨幸曲江。鳥道正通天上路，
羊車直到竹間窓。桃花柳葉元無恨，燕子鶯花各有雙。
中貴向人言近事，風流陣裏帝先降。

秘閣香殘月裏移。燈分青燭刻盤螭。琵琶鳳結紅紋木。
絃索蚕繅綠水絲。金屋有花頻賭酒。玉杵無子不彈碁。
傳宣趨發明駝使。南海今年進荔枝。
近臣諧諷似枚臯。侍宴承恩得錦袍。扇賜方空描映蝶。
局看雙陸賭櫻桃。翰林醉進清平調。光祿新呈玉色醪。
密奏君王好將息。昨朝馬上打圍勞。
魏國來朝不動塵。障泥一色繡麒麟。朱衣小隊高呼道。
粉壁新圖編寫真實雀。玉蟾簪翠髻。銀鴉金鳳踏文茵。
一從羯鼓催花後。不信司花若有神。
五王馬上打球歸。贏得宮花獻貴妃。樂奏閒門邊奏少。
徇因臺寺諫書稀。侍兒隨幸皆頌紫。散子蒙恩亦賜緋。

姊妹相從習歌舞。何人能着柘黃衣。
新製霓裳按舞腰。笑他飛燕怕風飄。玉蚕倒臥蟠條脫。
金鳳斜飛上步搖。雲母屏前齊奏樂。沉香火底並吹簫。
只目野鹿啣花去。從此君王罷早朝。
宮衣窄風每憶。小黃門。躑躅初開賜繚盆。夜不窺鸚鵡冢。春
鳳凰園愛收花露。消心渴怕解金珂。見爪痕。只有椒房
老宮監。白頭一一話開元。

十詩綿聯緜麗。消得錦半臂也。

類韶字九成。吳興人。

和報復元秋興

大星出海芒角稀。新月隔林光景微。空山無眠雞犬靜。

獨樹忽驚鳥鵲飛。已喜朝廷寬賦斂。側聞南國尚戎衣。
釣竿早晚落吾手。日日放舟來小廡。

鄭家泉鍊師子午谷圖

子真今住子午谷。乃在蛟門西復西。繞屋長松落晴雪。
倚天絕塵立丹梯。春回大壑三芝養。月滿空山一鶴栖。
歸去看園望瀛海。定應沐髮候天雞。

郭翼字義仲。崑山人。

送人遊武當山

武當諸峯何壯哉。大朶小朶青蓮開。玄聖中居天地戶。
赤日下照金銀臺。神龜六眼電光走。山鬼一脚雲頭來。
道人再拜望北極。應帶滿身星斗回。

懷鐵崖

揚子十年官不調。湖山不負調謫仙才。洞庭鐃笛龍吹得。
后土瓊花鶴寄來。車子看花將一輛。雪兒勸酒拗蓮臺。
時：對客理絃索。月色羅衫小袂裁。

人呼老郭為五十六。以其長子七言八句也。觀此二
首可知其大概也。

成廷珪字元章。維揚人。

送張思廉

讀書不逢萬乘尊。扶策肯傍諸侯門。拔歌蘇臺曉山碧。
濯足太湖秋水潭。千金未易買駿馬。一餅何足哀王孫。
風塵拂衣且歸去。高卧桐江雲水村。

顧逖

贈張玉笥

張公學武萬人敵，玉笥讀書三十年。未請上方誅佞劍，且營南海買山錢。異鄉感慨秋風雁，故舊徘徊雪夜船。好作黃金臺上客，於今郭隗在雄燕。

贈張敬常

戎馬紛紜北渡河，將軍功蹟^{業尚}蹉跎。十年鬢髮時看鏡，萬里風霜夜枕戈。知己有如齊鮑叔，得君無復漢蕭何。錦衣未解歸鄉國，南越封王屬衛陀。

茅毅字子剛廣陵人

次邱克莊韻

弱流瀛海三千里，明月揚州廿四橋。雪擁鰲頭山在望，風吹鶴背路非遙。參差瓊館珊瑚樹，縹緲紅樓碧玉簫。二老往來人所羨，欲憑書史寫生綃。

次成元璋韻

淮南故老凋零盡，獨有先生是俊髦。到處談詩聽夜雨，長年作客典春袍。山雲墮地忽几朵，湖水鑑空無一毫。即景懷人思何限，誦君佳句課兒曹。

高志道

送俞子俊調平湖府判

耆童羅拜長洲上，正是官船到岸時。流水落花西子宅，故家喬木范公祠。愛蓮池上番嘉瑞，種樹雲間動去思。

素壁高堂應看畫公餘還有寄來詩

楊鍊史飲西湖亭韻

誰知湖上新亭好百歲襟懷一笑開今日共憐吳下客
與君且盡掌中杯夕陽半壁白鷗過秋色滿簾鴻雁來
勳業未成頭欲雪幾時重築釣魚臺

贈程彥明

不見瓊花近十年月明無復看神仙已知陳迹俱長往
欲賦閑情絕可憐茅捲西風誰補屋波乾滄海忽成田
故人邂逅徒興感且覓江南買酒錢

陳克道字宗遠因所居自號竹林處士嘉禾人

松瓢齋烏王好問賦

身外纖微皆長物一瓢飲足寄蒼虬壺中日月懸林表
不上觀瓜下澗幽器大從來成濩落時危贏得事沈浮
只憂尚渴陶唐化未放先生學許由

挽邁里古思

小范胷中有甲兵檀公復懷長城大星動地中軍愴
白馬憑河霸王傾碧血不隨金石化丹心長貫斗牛明
會稽高典洛溪並誰為磨崖刻姓名

李復字道原天台人

題華亭監縣奉御酒省親卷後

昔年司鑰奎章閣又守芙蓉江上城問寢不忘人子事
氣歸重荷聖恩榮親庭喜動五采服御酒香浮雙玉巵

今日南來花滿院。累茵重閣情。
贈張萬戶征閩凱旋
瘴雨蠻烟遠。蔽室只將談笑蕩羣克。旌旗夜捲妖星殞。
鼓角秋高殺氣雄。已喜張良還灞上。更須龔遂守閩中。
凱歌聲動天顏喜。金虎三星擬報功。

鄭洪字君舉永嘉人

白塔寺

江山襟帶尚依然。王氣銷沈已百年。
六宮采女北歸燕。銅駝荆棘西風裡。石馬莓苔落照邊。
玉柙游魂飛劫火。五陵嘉樹不啼鶉。

新江亭

海門潮水貫長虹。天際山形隱伏龍。
西省陵烟火。隔江紅。黃金不鑄岳武穆。青史直書劉巨容。
蕭瑟江南哀不盡。庾郎詞賦若爲工。

馮以默字洲如號彈缺雲間人

雲山樓

絕海高樓吳下聞。金山秦山春日曛。
神女螺鬟洗白雲。金碧芙蓉開錦幔。蛟螭烟霧濕秋文。
上頭三月東風急。點點飛花入舞裙。

秋日登樓

秋滿江樓四面開。樓頭風緊鶴飛回。
日薄東南鼓角哀。紫蓋黃旗歸象緯。越羅楚練照輿臺。

凭軒無限淒涼意，數問平安信未來。
張樞 秋興

百戰關河血未消，將軍誰是霍嫖姚。
中原板蕩悲周室，西楚紛披入漢朝。
甲帳朱簾非昨日，玉樓金屋麗層霄。
兵麾滿眼歸無處，愁絕秋風柳萬條。
天上旌旗絢采霞，人間鼙鼓雜鳴笳。
禍延江漢三千里，殃及閭閻百萬家。
萱草有情依傍，棠梨無主亂開花。
掉頭歸去秋風晚，爭似鳴夷一釣查。

錢元方字彥直雲間人

李紫筭

謫仙今住五茸西，醉懶披宮錦衣。
天上玉堂無夢到，

中山書艇載鸞歸，白雲滿座詩連軸。
大泖當門鱸正肥，安得造君清隱處。
紫簫月轉山扉。

題謝仲久一掬泉

石湖之興有甘泉，一掬清泉絕可憐。
金鯽跳波明水上，采雲浮石紫苔連。
流杯夜醉雲松室，洗筆春番鍊笛仙。
翠閣紅闌誰是主，東山太守子孫賢。

吳毅字近仁

題君山吹笛圖

洞庭帝子罷長樂，銅龍夜笑秋冥冥。
老蛟起舞珠宮月，白石亂殞銀河星。
赤壁孤舟泣嫠婦，蒼梧別泪啼湘靈。
鈞天寥々萬籟息，君山一髮煙中青。

鄭采字季亮永嘉人

姚子章之浙東帥掾

南紀四明雄浙左孤城百雉接風濤越裳客去番犀角
本日船來看寶刃元帥旌旗開外間掾郎才畧服諸曹
帳中羽檄何須草政愛夔州詩法高

送果上人遊雁山

雪消山色漲東州最好天台雁蕩遊背負青山綠鳥道
面承飛雨看龍湫深春林麗多金刹日落江湖白
石頭上玉芝應拾得念吾無物可消愁

尤存字以仁吳郡人

送李紫篋歸澱山草堂

積玉溪頭水拍天草堂只愛澱山前鳴鳩啼鳥青春裏
古木疎篋落照邊仙客近傳餐玉法故人時送買山錢
相逢未盡一杯酒陸相祠前發船

釋曇噩字夢堂四明人

題杭州報國寺儀鳳軒

濤江之上青崔嵬山孰遠從天目來錢氏豈能當王氣郭
生端復是仙才光搖海旭九苞動影拂雲霄雙翅開鳥
我翩然攬輝下一斬着此亦宜哉

釋宗衍字道原中吳人

春日西湖懷古

錢塘父老眼青天破國猶能話昔年草忽嘶江北馬

風帆不返海南船，空陵落木無人掃。廢苑餘花只自飄，
此日西湖回白首。功名落個在凌煙。

秋興

一別空山舊草亭，衣裳五見點秋螢。沙鷗短艇餘菰米，
苔卧長鏡老茯苓。弱水蓬萊那可得，瞿塘灩澦不須經。
歸帆早晚吳波裏，嫺：涼風望洞庭。

釋梵琦 字楚石 四明人

送康上人之京

花隔深宮柳隔牆，少年仍值好春光。^原飄玉珮縈雲曲，日
射金爐夾道香。一色樓臺天蕩漾，九衢人物海茫茫。篋
中四筆今零落，猶記題詩鳳沼旁。

釋元本

富春歸隱圖 烏餓厓賦

小橋流水隱紅塵，亦有漁郎解問津。要路只聞收壯士，
好山還許住閒人。每思李愿歸盤谷，獨愛嚴陵老富春。
便擬采芝歌隱曲，白雲紅樹漫為隣。

泊雙井亭有感

涼颼微動水雲收，鷗鷺無聲泊處幽。露落梧桐雙井冷，
月明砧杵萬家秋。貪懽盡醉吳姬酒，長往誰同范蠡舟。
最憶多情鄭司馬，琵琶和泪上江州。

送趙金憲還司

執簡曾趨玉几旁，繡衣猶帶御爐香。九重哀詔蘇民瘼，

一道撒清肅憲網興學已遵周禮樂好賢多紀漢文章
鯨濤已息豺狼伏歸騎嘶風滿路霜

釋智覺 字裕之號雲海吳中人

送尚書王公轉運還京

白髮蘭臺老鄭崇野人爭識舊乘駝青巽斧威來南國
碧海樓船駕順風夜指星樞天直北曉瞻風氣日華東
趨朝正及端陽節細葛承恩出漢宮

送王景華道士之京

羽客思歸尺五天雙鳧直雲端玉簫聲澈春空
光夜月寒夢入瑤臺香丹
長生籙南極星回太乙壇
趨青瑣珮珊
顏重進

釋永葵

字古鼎雲間人

南屏雨中

五月雨聲連六月南屏雲氣擁柴扉林巒有月山精出
岩谷無人白燕飛詩句偶從行處得家鄉多在夢中歸
曉來杖策湖頭去春水溶溶沒釣磯
李節 字處約穎上人

寄唐伯順

鶴林宮裏故人過謝傳宅前秋水多烏帽吟餘還放棹
黃庭寫罷更籠鵝平頭奴子金盤露皓齒佳人白苧歌
不得相從渡三柳月明清夜奈愁何

和高以敬

別君九見歲華新，邂逅相逢亦可人。
靈鷲峯前看飛瀑，霍林宮裏度殘春。
時送客傷南浦夜，占星對北辰。
莫話當時舊遊處，落花芳草倍傷神。

徐津字仲盟江陰人

哀李江州

強虜西來把漢津，潯陽烽火照江明。
朝廷重鎮推虞詡，風雨孤臣失杲卿。
戰士幾家思舊尹，鬼兵長夜護空城。
王師百萬知何地，春草春波獨愴情。

客懷

白雲回首暗巫門，綠髮蒼蒼碧眼昏。
亂石情懷千日醉，故交文物幾人存。
秋深狡兔先營窟，日落烏鴉尚識村。

樓上風高笳鼓急，楚鄉多有未招魂。

釋曇頊字大高天台人

送王宗禮尚書趣運還京

轉海雲濤萬里賒，長風指日望京華。
南州已入諸侯貢，北極初回奉使查。
內苑宮花迎馬首，御街官柳拂龍沙。
從容好奏安時策，行見車書混一家。

次慈元怨韻

茅屋住在清江曲，蒲酒渾無俗客過。
流水自懸春葉碓，落花閒度煮茶鍋。
不耽玄石三年酒，只賦梁鴻五噫歌。
退食歸來塵事少，舊遊迴首隔風波。

陸炯字晦叔號書蓬漫郎吳中人

送融水縣尹

清朝才士多如雨，之子聲華重講筵。天上玉堂辭聖主，
嶺南花縣得英賢。蠻煙秋暗梳榔洞，瘴雨春深茉莉田。
莫道衡陽無過雁，好題詩寄五雲邊。

連傳化字仲困號贅海龍城人

讀班叔皮王命論

丹鳳黃龍降自天，玉皇金鼎在遺編。漢王未必從陳勝，
秦帝何曾媿魯連。堯舜善推能揖讓，啟賢能繼事相傳。
叔皮宏論終天在，好為羣雄一再覓。

鳳凰山望潮

滄海全吳當百二，坐臨溟渤鬱陶開。日含金霧天邊出，

潮捲銀河地底來。雲淨

山浮砥柱，天高秦望見蓬萊。

東南檣櫓年來少，獨向江頭一愴懷。

張以文字 雲間人

秋懷

草閣柴扉抱鶴汀，石田老圃事躬耕。函閨氣望青牛駕，
泰礪書功白馬盟。漢主山湖千古在，伍王潮汐幾時平。
坐看落日楓林晚，厭聽江城鼓角聲。

劉儼字思誠塘人

南屏別墅圖

竹裏深藏聽雪齋，花邊小築御風臺。雲嵐倒影水天迥，
蒲葦有聲山雨來。內史幽情觴詠樂，石丞別業畫圖開。

何時許我遊真境野色橋邊踏紫苔

舟中

青天縹緲吹雲衣碧水顛倒插翠微三家五家村舍出
一點兩點沙鷗飛柳枝嫋拂過艇苔花斑：生的磯風
塵不到是樂土故人莫怪入城稀

邱民字克莊邦城人

題柯敬仲竹

奎章閣下文明日徧寫琅玕寄遠遊疎雨夜啼湘女淚
蜚鸞朝下羽人邱月移簾影金閨夢風度簫聲玉宇秋
幾見画图憐往事碧雲凌亂使人愁

和顧仲瑛平湖草堂詩韻

十二行窩總是春平家湖上草堂新養來白鶴須教舞
浴出花駝不受馴桂樹漫歌招隱士鹿門今屬姓龐人
錦囊合貯詩千首聲價流海內傳民

送友人入杭

又隨南雁過錢塘不道州是故鄉江上秋風蓴菜美
山中春雨石田荒杜陵老去寧忘蜀江棹歸來不是梁
欲采芙蓉贈君去錦雲零落倍淒涼

沈震字伯修華亭人

題春暉堂

萱草花開滿北堂繡簾垂地護清香晨羞進饌水鱗美
夏扇迎風暑簟涼燁：春輝生寸草澄：壁月霽孤光

瑤池宴罷蟠桃熟，白玉壺中日月長。

首鐫塹字小齋江陰人

送曹德輔都事督海運

畫省郎官親海運，龍驤風熟采飄飛。銀河天濶開黃道，折木星高近紫微。漢室重看糧運足，邊庭今見款書歸。定知劉宴回朝日，秋水光生御賜衣。

送徐性全回東州

三月江南杜宇啼，鶴披風暖水平堤。故人別酒交情重，遊子舟中客夢迷。謝傅堂前春樹合，越王臺下暮山齊。到家依舊多新詠，棣萼萱花取次題。

送李象賢歸省

秀拔赤城山水奇，吳淞江上久相知。每懷衣錦還鄉志，猶憶擔簦渡海時。喬木百年存閱閱，高堂重慶享期頤。莫因猿鶴頻番駐，天上風雲已有期。

張經字德常京口人

次鍊崖韻

春風滿袖折花回，高臥雲間百尺臺。天上賜袍香霧濕，河東獻賦日華開。頻煩太守高軒過，屢見元戎小隊來。我欲將軍侍親去，采衣花底學提孩。

金思誠字希賢華亭人

送黃仲珍會試

唳鶴灘前凍雨收，賓筵再咏鹿呦呦。右文天子春秋富，

勸駕諸侯禮數優，日下五雲生北闕。天邊一鷄起南州，遙知入射丹墀策。象管翻思不休。

寄虞彦高

陶令西山去，養疴秋來病減幾分多。千年松下得琥珀，萬壑雨餘生薜蘿。有客供奠酌，何人擊筑和。樵歌長吟不盡相思意，矯首霜前一雁過。

即思文字彦文

感興

聞說昭王未築臺，此生空抱濟世才。青山外史江南老，白髮中官海上来。自信文章追賈董，可能游俠效邾枚。春風處堪腸斷，莫上層樓看却灰。

鳳凰山下野花開，又見東風燕子來。主將深居營玉壘，王官行樂載金罍。裂麻解使陽城哭，作賦徒令庾信哀。多少高人隱屠釣，推門第不論才。

白塔寺感懷

浮圖千仞獨崔嵬，宮殿巍。盡刻灰玉樹已銷龍虎氣。青山長繞鳳凰臺，城頭戰鼓連雲起。沙嘴殘潮帶月回，萬里英魂歸未得，不思泥馬渡江來。

成廷珪

贈綾錦墩隱者

手拄烏藤五尺長，山行時着古衣裳。缺文自補雲間志，賣藥多收海上方。菊屋秋風催釀术，錦墩春日看移桑。

野人笑指長安路，馬足車塵有底忙。
袁舉

秀峯懷古

湯城壁壘上王城，奴隸猶聞至德名。
胥祠仍薦血毛牲，空山落日狐狸出。
荒徑秋風麋鹿行，橫槊豪吟竟何在。
流水東去寂無聲。

袁藏用

贈道士

十二靈鷲戴五峯，道人家住蓋珠宮。
蒼龍出匣劍氣紫，朱雀在鼎丹光紅。
夜浮星槎遊岸海，早朝天闕步罡風。
羨門相遇知名姓，言在東華碧簡中。

釋至瑀

字蘊中

次李菊莊韻

十二行窩取次遊，道人處處任風流。
草屨散乾坤老蓆，帽飄蕭湖海秋。
太白狂歌酤酒館，元龍高卧讀書樓。
相思兩地同明月，南北誰云異馬牛。
黃常字叔彛江陰人

題海雲樓

見說飛樓高入天，凌雲東望海如川。
乾坤影侵三山樹，吳楚青連萬古烟。
鶴背笙簫天籟發，龍嘘簾箔夜珠懸。
從遊擬得登臨願，試上慈航一問禪。

書懷寄陳參軍

雙瞳澄澈紫髯飄，早沐河陽遠見招。赤羽旗前催草檄，青油幕底卧吹簫。大堤花鳥還應好，南徼烟塵苦未銷。羨子佳時足經濟，餘波幸見及漁樵。

余庸

字子中，號凝齋。

堵無傲討賊獲功，任壇縣尹久別無信。作此寄之。春入椒盤歲復除，故人不寄一行書。虎頭年少方投筆，鶴髮慈親正倚閭。雕鶴雲霄揚羽翮，犬羊巢穴悉邱墟。丈夫出處皆前定，莫向明時較疾徐。

次陳石昂見寄

閨河瑟：暗風烟。矯首遐觀，獨悵然。徒見舟車勞驛使，日聞山澤訪遺賢。參差古塞初寒夜，霜滿征衣欲曙天。

自笑儒冠只如此，窮通何必卜筮筭。

病起

憶昔辭家塞北遊，朝來何事怯新秋。床堆葉裡塵侵几，風靜書牕月滿樓。伏櫪長鳴憐老驥，引杯含淚惜吳鉤。旌旗明滅西城路，落日長林起暮愁。

董成

送俞子中之戈陽戶

出宰江東試左轡，津：喜色動椿萱。大朝恩承三世命，服光華萃一門。壯歲風雲誠有待，秋空鵬鷲正高鶩。弋陽父老郊迎久，預布清聲已可論。

贈楊山居太史

曾懷荆璞詣天閔，雨露恩深賜珮環。
玉笋造班躋鳳沼，金闈通籍侍龍顏。
尚書聽履星辰上，太史蜚聲翰墨間。
歷直承明動歸興，錦衣光采照湖山。

送俞子俊麗水巡檢

爲官當作執金吾，膝上須橫丈二戈。
會見黑頭戎獬豸，試看赤子繫於菟。
醉歌擊碎玉如意，較獵射空金僕姑。
眼底猩猩俱掃迹，胷中有策致唐虞。

楊逵字道夫號康莊子江陰人

訪王麟趾不遇

王公子家江水陰，芙蓉爲裳錦爲心。
焚香雨軒蘭葉淨，下榻月館梅花深。
丹邱鳳凰不易見，碧海珊瑚無處尋。

有客相思在空谷，歲月仰望來佳音。

許璞字叔璞華亭人

九日

世事驚心節又摧，短衣破帽立^荒臺。
斜陽木落鳥爭噪，絕寒雲深雁欲來。
十載江湖蓬鬢改，幾籬落菊^家花開。
平原白骨知無數，誰向西風醉一杯。

次成元璋韻

海馬風塵十載過，暮年飄泊奈愁何。
讀書避地衡門小，拔劍成功甲第多。
魏闕又聞采白馬，唐家還復獻金鵝。
野人翹首雲林下，擬讀昌黎石鼓歌。

董佐才

讀杜詩有感

幾年京國暗戈矛，淪落誰憐杜甫愁。
春漏也曾嗔錄事，秋飢仍復問夔州。
平生忠義窮愈見，小技文章老更優。
我亦此生無定處，夕陽孤倚仲宣樓。

述懷

大塊茫茫本自然，杞人無事漫憂天。
百年流景如雙轂，一餉歡情直萬錢。
不是溪山嫌客少，何曾風雨為花憐。
細推物象休拘束，迴首故人情黯然。

題俞凝清小樓

凝清善畫

戶牖翛然樹杪開，小樓新結俯池臺。
書聲直與浮雲抗，畫幅遙臨列岫來。
豈可胡床番俗客，莫教明月照空杯。

元龍豪氣今誰在，述作須憑沈謝才。

林洵字季文天台人

觀丁祠

風作秋聲度八寰，駿奔多士且趨班。
宗周禮樂修禋祀，尊魯衣冠拜聖顏。
鳳展香飄涼月下，龍旂影動瑞雲間。
萬年道統垂天地，洙泗東流繞泰山。

董紀

送石連卿受淮南之辟

當代搜羅急俊英，豈容徒老鹿門耕。
淮南幕府多招隱，水北山人最得名。
參朮正須歸狄籠，塩梅甫用入商羹。
只目湖上秋風起，猶為鱸魚惜此行。

錢維善

三味軒為張國祥賦
三味軒中品物殊。客來日日飯雕胡。四腮鱸膾吳中有。
千里蓴羹洛下無。孫子流芳真好事。人生適意是良圖。
不因命駕秋風起。即得高名在五湖。

題稼穡軒

軒名誰扁是稼穡。張仲孝友世多賢。再三嘆息戒無逸。
什一徵輸期有年。睡濃黃犢夕陽裡。興在白鷗春水前。
迎寒送暑何限樂。試誦幽風七月篇。

蔣惠

從軍漫興

士卒連艘寂不聲。曉牽百尺步平沙。霜橫劍戟明秋水。
風颭旌旗絢采霞。最憶仲宣能去國。猶懷張翰苦思家。
無端又值江天暮。落日蒼煙動鼓笳。

城東小飲

青帘掛處潑醅濃。握手行吟夕照中。滿地雨晴芳草綠。
近前春暖小桃紅。當時不忝登龍客。今日惟懷失馬翁。
拚却青蚨同一醉。歸來戍鼓又鏦鏦。

龔律

贈一齋進士

前朝進士今為庶。海上淹栖歲食貧。風雨厭看花富貴。
冰霜愛寫竹精神。南中冠佩閒中老。北極精神夢裡真。

邂逅相逢同一笑，蒼顏白髮老遺民。
方克常

題春亭思親卷

暖風拂面百花紅，日日思親望五茸。
夢入承顏驚白髮，驩生捧檄動慈容。
從官豈憚雲衢遠，歸亭辭水驛重蓮。
暮長才今小試，化民匡政致公忠。

慶振翁八十

八十仙翁兩鬢銀，梅花標格玉精神。
田荆樹老千年澤，寶桂香分五色春。
花下長歌來窈窕，膝前行舞麒麟。
廣寒更有嫦娥約，待看飛虹折木津。

孫閔

立春日次陶玉樓韻

春江春水綠沄沄，江上人家日欲曛。
水木盡隨龍角化，寒威已退土牛分。
縱橫誰復論王霸，翻覆徒憐作雨雲。
坐老年華心益壯，生增鳧鷖亂鳥羣。

題卷畫春曉圖送劉錄事

朝日圓紅映水涯，水光晴漾錦紋沙。
竹枝草帶生魚鬣，雲白山青相犬牙。
王氣春浮仙子蓋，畫橋人似武陵家。
銀瓶且盡船頭酒，千里相思隔縣衙。

用石上海仲謙韻送李治中之紹興

勾吳客上越王臺，駟馬駢佐郡來伯主尚。
憐文種死蒼生空憶謝安才，襟江帶海東南勝。
萬壑千岩紫翠開，已喜

民間與稻熟，簾樓醜酒句新裁。

大雅集卷第七

大雅集卷第八

唐琪字温如會稽人

過洞庭

西風吹老洞庭波。一夜湘君白髮多。醉後不知天在水。滿船清夢壓星河。

李墨蘭

瑤街夢結翠宜男。誤墮仙人紫玉簪。鶴帳有春番不得。碧雲扶影下湘南。

孫華

楓橋夜泊

画船夜泊寒山寺。不信江楓有客愁。二八蛾眉雙鳳唳。

滿天明月涼州。
倪瓚

蘇臺懷古

望中煙草古長洲。不見當時麋鹿遊。滿目越來溪上水。流將春夢過杭州。

李節

次冷起勝韵

金剛崩頭山雨晴。深林黃鳥最多聲。草堂隣近應只凡。樓子正同雙樹平。

張以寧

題爛柯山效宋體

人說仙家日月遲。仙家日月轉堪悲。誰將百歲人間事。只換山中一局棋。

釋祖銘

題熨襖圖

練光帖。雪光開。倩得隣姑熨未裁。即在征途兒在眼。十分寒向意中来。

陳昌

寄謝履齋

水沈香冷簾紋清。風入疎櫺鶴夢驚。今夜天邊好明月。清光偏照闔閭城。

釋元本

秋夜懷崔府尹

銀河淡。月微明。花蕊蘭邊絡繹聲。烏問洛陽崔太守
幾時秋色在江城。

次缺厓韵

會稽山前賀狂宅。句曲洞口陶仙家。參差樓觀五雲裏。
飛佩時。凌紫霞。

詞章近接楊夫子。丹術遙師魏伯陽。昨日有書無犬送。
只令孤鶴遠傳將。

白雲作衣霞作裾。太平不愛紫金魚。騎驢酒市得佳句。
都向琅玕節下書。

茅齋門泊武湖航。絕勝王家朝口莊。明月滿天秋滿地。

碧簫引鳳下胡床

徐孝基

寄孤雲山人

能詩亦足張吾軍。何處泉林不寄身。是愛竹西歸舊隱。
擲杯海上看飛塵。

程煜

題明皇並笛圖

清華宴罷捲霓裳。重立東風並海棠。鳳瑄莫吹新製曲。
有人乘月倚宮牆。

鄭東字季明永嘉人

題衛明鉉山水小景

故人招我雁山旁，更入秋雲結草堂。至今未滿李徵士，
白首猶貪著作郎。

余闕

京師送友

光祿橋西昔解携，春星欲傍露盤低。自來官柳多離思，
更著城烏在上啼。

題小景

長淮煙水遠城斜，壯士依：漂母家日莫摧頭人不到。
蜻蜓飛上野菱花。

孫華

贈日本僧觀語孟

日本沙門性頗靈，自携語孟到禪局。也知中國尊朱子，
不學南方誦墨經。

鍾虞字安期吳江人

送梁子才還宣賦

越王臺下水潺湲，照盡行人鬢影斑。日莫登城倍酸楚，
直疑身在木瓜山。

荔枝樹下三年客，識得王家十八娘。恨殺釣龍臺下水，
送君先去斷人腸。

春雨雜興

誰向春風吹洞簫，蕩舟女子畫雙橈。不愁沾濕雅頭襪，
愁殺螺江兩度潮。

別院笙簫深復深，美人何處寫琴心。
尋芳休怯春泥滑，明日池塘長綠陰。

題柯敬仲墨竹

湘江何處弔湘妃，極目愁雲是九疑。
欲寄所思秋水隔，鳳簫吹徹玉參差。

馮以默

墨梅

一枝竹外夢春酣，零落綃裳舞翠嵐。
天淡水平山月小，有人吹笛過江南。

金翼 字敬德 天台人

題耿恭拜井像

掘水先須護上鑿，山底用井中求。
司徒不為將軍請，安得殘兵脫虜囚。

題明皇曲江春宴圖

五雲樓閣擁層關，帝子金根御白鸞。
日日醉花臨上苑，春風不似蜀中看。

東宗庚

偶題

真波微動上湘簾，園沼初成小鏡奩。
葉底翠丸青可摘，小娃纖手送吳鹽。

董紀

絕句

東風細雨濕窓紗。日宴黃蜂未報衙。芳草滿庭隨意綠。
時：吹落碧桃花。
小徑斜穿入竹林。曲闌通轉亞花陰。牆隈孰逼風如旋。
落地殘紅幾許深。

俞俊

次友見寄

白髮和愁取次生。關河千里故鄉情。自從秋雁南征後。
日日淮邊問客程。

秦州夜泊

蘆葉蕭蕭惱客眠。推篷看雨月在船。漁舟破曉入城去。
街頭魚蟹不論錢。

張樞

題貴妃籠鸚鵡圖

內苑宮人紫綺袍。金籠鸚鵡翠絲絛。當時亦有承恩者。不
獨雲霄一羽毛。

宮樣蛾眉翠黛齊。髻鬟微妥髻雲低。自憐鸚鵡能言語。
不道渙陽動鼓鼙。

賈閔

八月既望訪古鼎上人時庭桂盛開因賦絕句以

贈

桂花影下坐談空。况在清虛玉府中。海月滿庭空一色。
天香和 西風

春曉

香霧空濛落月低
六街官馬散銀蹄
芙蓉帳底夢初醒
卧聽栗香花外啼

張守忠

得家書

半年京國夢鄉廬
曾買盧溝雙鯉魚
昨夜燈花今日喜
江南稻熟有家書

顧或

讀漢書高帝紀有感

漢高功業與天高
首紀尼丘用太牢
博士未興書有律
不能無意責蕭曹

鄭昕字彥文華亭人

荷亭雅集值雨

翠華擁出三千女
玉杖扶持八十翁
使此花能解語
主人日日醉春風

芰荷着雨洗紅粧
未必蓮花似六郎
一種風流人不識
碧筩遠勝紫霞觴

題畫

枝上雙：老白頭
雙飛雙宿意綢繆
問渠何道頭能白
穩處安身不濫求

趙鎮字元鼎號寄軒吳下人

題淵明像

託詠荆軻恨未銷，解官却赴遠公招。至今三月門前柳，猶向東風懶折腰。

徐醉墨小景

濃淡煙雲帶石林，藤花如雪草堂深。只疑龍井山頭雨，飛過西湖作晚陰。

瓜皮甌子釣魚翁，烏桕根邊寄短蓬。落葉不知深幾許，吳淞江上問秋風。

題玉環調鸚鵡圖

畫闌花暖露初乾，妃子春容白玉團。含笑從容調鸚鵡，不知胡馬入長安。

大雅集卷第八終

天台賴善卿客授雲間，課講暇嘗哀元之詩，鳴者凡若干人，篇什凡若干首，類爲八卷，名曰大雅集。會稽錢屋楊公首叙，且鑲以傳。會兵變止，今年善卿擬畢初志，適有好義之士，協成厥美。諸余徵叙後，余謂詩具一經，詩亡春秋作，噫詩奚亡，特雅亡耳。楚騷漢賦，迨蘇李五言，沿至唐近體，皆古詩之變。試觀唐數百家，譬之宗廟器，大而鐘鼎琴瑟，小而籩豆爵壘，錯而有章，秩而有文，要各備材用，不可一少焉。道學于宋，刑學于金，其間鳴于詩者，務亦出自機權。近代自虞文靖公近體詩行，天下雷然爭效，競襲恐後，弊甚一律。千首較之唐遠矣。夫采球者，極桂海采玉者，窮水天，喜卿不私己，而汲汲以詩

是采猶冰天桂海是窮則暮容鉅作窈渺短詠不但得
照乘連城而已將宗廟之器若錯而章秩而文也詩運
環復大雅之音于是乎在義士雲間人陸德昭氏俞氏剛
善卿名良宋名臣諱好古裔世業儒云蓆帽山人王逢
叙



